

傷寒論

卷一至五

ヤ 9
956

956
756



Left page of an open book, showing aged, yellowed paper with faint, illegible text. The text is arranged in vertical columns. There are some dark spots and stains on the paper. A small, dark mark is visible near the bottom center.

門 79
號 956
卷

門 79
號 971
卷



傷寒卒病論集

論曰。余每覽越人入虢之診。望齊侯之色。未嘗不慨然歎其才秀也。怪當今居世之士。曾不留神醫藥。精究方術。上以療君親之疾。下以救貧賤之厄。中以保身長全。以養其生。但競逐榮勢。企踵權豪。孜孜汲汲。惟名利是務。崇飾其末。忽棄其本。華其外而粹其內。皮之不存。毛將安附焉。卒然遭邪風之氣。嬰非常之疾。患及禍至。而方震懼降志。屈節。欽望巫祝。告窮歸天。束手受敗。賫百年之壽命。持至貴之重器。委付凡醫。恣其所措。咄嗟嗚呼。厥身已弊。神明消滅。變為異物。幽潛重泉。徒為啼泣。痛夫。舉世昏迷。莫能覺悟。不惜其命。若是輕生。彼何榮

勢之云哉而進不能愛人知人退不能愛身知己遇災
值禍身居厄地蒙蒙昧昧恣若遊魂哀乎趨世之士馳
競浮華不固根本忘軀徇物危若冰谷至於余宗
族素多向餘二百建安紀年以來猶未十稔其死亡者
三分有二傷寒十居其七感往昔之淪喪傷橫夫之莫
救乃勤求古訓博采衆方撰用素問九卷八十一難陰
陽大論胎臚藥錄并平脉辨證為傷寒雜病論合十六
卷雖未能盡愈諸病庶可以見病知源若能尋余所集
思過半矣夫天布五行以運萬類人稟五常以有五藏
經絡府俞陰陽會通玄冥幽微變化難極自非才高識
妙豈能探其理致哉上古有神農黃帝岐伯伯高雷公

少俞少師仲文中世有長桑扁鵲漢有公乘陽慶及倉
公下此以往未之聞也觀今之醫不念思求經旨以演
其所知各承家技終始順舊省疾問病務在口給相對
斯須便處湯藥按寸不及尺握手不及足人迎跌陽三
部不參動數發息不滿五十短期未知決診九候曾無
髣髴明堂闕庭盡不見察所謂窺管而已夫欲視死別
生實為難矣孔子云生而知之者上學則亞之多聞博
識知之次也余宿尚方術請事斯語漢長沙守南陽張
機著

傷寒論序

夫傷寒論蓋祖述大聖人之意。諸家莫其倫擬。故晉皇甫謐序甲乙鍼經云。伊尹以元聖之才。撰用神農本草。以為湯液。漢張仲景論廣湯液。為十數卷。用之多驗。近世太醫令王叔和撰次仲景遺論。甚精。皆可施用。是仲景本伊尹之法。伊尹本神農之經。得不謂祖述大聖人之意乎。張仲景漢書無傳。見各醫錄云。南陽人名機。仲景。乃其字也。舉孝廉。官至長沙太守。始受術於同郡張伯祖。時人言。識用精微。過其師。所著論。其言精。而與其法簡。而詳。非淺聞寡見者所能及。自仲景于今八百餘年。惟王叔和能學之。其間如葛洪陶景胡洽徐之才孫

思邈輩非不才也。但各自名家而不能備明之開寶中。節度使高繼沖曾編錄進上。其文理舛錯未嘗考正。歷代雖藏之書府亦闕於讐校。是使治病之流舉天下無或知者。國家詔儒臣校正醫書。臣竒續被其選。以為百病之急無急於傷寒。今先校定張仲景傷寒論十卷。總二十二篇。證外合三百九十七法。除複重定有一百一十二方。今請頒行。太子右贊善大夫臣高保衡尚書屯田員外郎臣孫奇尚書司封郎中祕閣校理臣林億等謹上。

謝表歸京

國子監

准尚書禮部元祐三年八月八日符元祐三年八月七日酉時准都省送下當月六日勅中書省勘會下項醫書冊數重大紙墨價高民間難以買置八月一日奉

聖旨令國子監別作小字雕印內有浙路小字本者令所屬官司校對別無差錯即摹印雕版並候了日廣行印造只收官紙工墨本價許民間請買仍送諸路出賣奉

勅如右牒到奉行前批八月七日未時付禮部施行續准禮部符元祐三年九月二十日准

都省送下當月十七日

勅中書省尚書省送到國子監狀據書庫狀准

朝旨雕印小字傷寒論等醫書出賣契勘工錢約支用

五千餘貫未委於是何官錢支給應副使用本監比欲

依雖四子等體例於書庫賣書錢內借支又緣所降

朝旨候雕造了日令只收官紙工墨本價即別不收息

慮日後難以撥還欲乞

朝廷特賜應副上件錢數支使候指揮尚書省勘當欲

用本監見在賣書錢候將來成書出賣每部只收息壹

分餘依元降指揮奉

聖旨依國子監王者一依

勅命指揮施行

治平二年二月四日

進呈奉

聖旨鑄版施行

朝奉郎守太子右贊善大夫同校正醫書飛騎尉

賜緋魚袋臣高保衡

宣德郎守尚書都官員外郎同校正醫書騎都尉

臣孫奇

朝奉郎守尚書司封郎中充秘閣校理判登聞檢

院護軍賜緋魚袋臣林億

翰林學士朝散大夫給事中知制誥充史館修撰宗

正寺脩玉牒官兼判太常寺兼禮儀事兼判秘閣秘書省同提舉集禧觀公事兼提舉校正醫書所輕車都尉汝南郡開國侯食邑一千三百戶賜紫金魚袋臣范鎮

推忠協謀佐理功臣金紫光祿大夫行尚書吏部侍郎

郎叅知政事柱國天水郡開國公食邑三千戶

食實封八百戶臣趙鼎

推忠協謀佐理功臣金紫光祿大夫行尚書吏部侍郎

郎叅知政事柱國樂安郡開國公食邑一千八百戶食實封八百戶臣歐陽脩

推忠協謀同德佐理功臣特進行中書侍郎兼戶部

尚書同中書門下平章事集賢殿大學士上柱

國廬陵郡開國公食邑七千一百戶食實封二

千六百戶臣魯公亮

推忠協謀同德守正佐理功臣開府儀同三司行尚

書右僕射兼門下侍郎同中書門下平章事昭

文館大學士監脩國史兼譯經潤文使上柱國

衛國公食邑一萬七千八百戶食實封三千八百戶

臣韓琦

知兗州錄事叅軍監國子監書庫臣郭直卿奉議

郎國子監主簿雲騎尉臣孫準

朝奉郎行國子監丞上騎都尉賜緋魚袋臣何宗元

朝奉郎守國子司業輕車都尉賜緋魚袋臣豐稷
朝請郎守國子司業上輕車都尉賜緋魚袋臣盛

僑

朝請大夫試國子祭酒直集賢院兼徐王府翊善
護軍臣鄭穆

中大夫守尚書右丞上輕車都尉保定縣開國男食

邑三百戶賜紫金魚袋臣胡宗愈

中大夫守尚書左丞上護軍太原郡開國侯食邑

千八百戶食實封二百戶賜紫金魚袋臣王存

中大夫守中書侍郎護軍彭城郡開國侯食邑一千

一百戶食實封二百戶賜紫金魚袋臣劉摯

正議大夫守門下侍郎上柱國樂安郡開國公食邑

四千戶食實封九百戶臣孫固

太中大夫守尚書右僕射兼中書侍郎上柱國高平

郡開國侯食邑一千六百戶食實封五百戶臣

范純仁

太中大夫守尚書左僕射兼門下侍郎上柱國汲郡

開國公食邑二千九百戶食實封六百戶臣呂

大防

傷寒論目錄
卷第一 辨脈法
卷第二 傷寒例
卷第三 辨太陽病脈證并治上
卷第四 辨太陽病脈證并治中
辨太陽病脈證并治下

傷寒論目錄

翻刻宋板傷寒論全文

卷第一

辨脈法

平脈法

卷第二

傷寒例

辨瘧濕暈脈證

辨太陽病脈證并治上

卷第三

辨太陽病脈證并治中

卷第四

辨太陽病脈證并治下

卷第五

辨陽明病脉證并治

辨少陽病脉證并治

卷第六

辨太陰病脉證并治

辨少陰病脉證并治

辨厥陰病脉證并治

卷第七

辨霍亂病脉證并治

辨陰陽易差病脉證并治

辨不可發汗病脉證并治

卷第八

辨可發汗病脉證并治

辨發汗後病脉證并治

辨不可吐

辨可吐

卷第九

辨不可下病脉證并治

辨可下病脉證并治

卷第十

辨發汗吐下後病脉證并治

首論三脈陰陽之云者
 脈內有始之云者
 故有脈有五內脈之
 以二陽道之常
 二鏡也
 滑也
 二反之
 常三之
 微也
 云云
 在也
 入也
 下也

傷寒論卷第一

漢 張仲景述 晉 王叔和撰次

宋 林億校正

明 趙開美校刻

沈琳全校

辨脈法第一 平脈法第二

辨脈法第一

問曰。脈有陰陽。何謂也。答曰。凡脈太浮數動滑。此名陽也。脈沈瀋弱弦微。此名陰也。凡陰病見陽脈者。生。陽病見陰脈者。死。○問曰。脈有陽結陰結者。何以別之。答曰。其脈浮而數。能食不大便者。此為實名曰陽結也。期十

七日當劇其脉沈而遲不能食身體重太便反鞭音硬名曰陰結也。期十四日當劇。○問曰病有洒淅惡寒而復發熱者何答曰陰脉不足陽往從之陽脉不足陰往乘之曰何謂陽不足答曰假令寸口脉微名曰陽不足陰氣上入陽中則洒淅惡寒也曰何謂陰不足答曰尺脉弱名曰陰不足陽氣下陷入陰中則發熱也陽脉浮一作微陰脉弱者則血虛血虛則筋急也其脉沈者榮氣微也其脉浮而汗出如流珠者衛氣衰也榮氣微者加燒針則血留不行更發熱而躁煩也。○脉藹藹如車蓋者名曰陽結也。秋脉云○脉累累如循長竿者名曰陰結也。夏脉云○脉營營如羹上肥者陽氣微也。○脉紫紫如

成本留
作流

蜘蛛絲者陽氣衰也。陰氣云○脉綿綿如瀉漆之絕者亡其血也。○脉來緩時一止復來者名曰結脉來數時一止復來者名曰促。縱一作促脉陽盛則促陰盛則結此皆病脉。○陰陽相搏名曰動陽動則汗出陰動則發熱形冷惡寒者此三焦傷也若數脉見於關上上下下無頭尾如豆大厥厥動搖者名曰動也。○陽脉浮大而濡陰脉浮大而濡陰脉與陽脉同等者名曰緩也。○脉浮而緊者名曰弦也弦者狀如弓弦按之不移也脉緊者如轉索無常也。○脉弦而大弦則為減大則為芤減則為寒芤則為虛寒虛相搏此名為革婦人則半產漏下男子則亡血失精。○問曰病有戰而汗出因得解者何也答曰

少陰脈弦八肝脈
浮八肺脈下
肺金生腎水之生
肝木子母相生是
謂調脈如經
因稱之如經
故三脈及寸數
寸者八客氣在
下位因之血虛
亂不故言尿膿
トス

實血虛也。今跌陽脈浮而濇，故知脾氣不足，胃氣虛也。以少陰脈弦而浮，一作沈，纔見此為調脈，故稱如經也。若反滑而數者，故知當屎膿也。玉函寸口脈浮而緊，浮則為風，緊則為寒，風則傷衛，寒則傷榮，榮衛俱病，骨節煩疼，當發其汗也。○跌陽脈遲而緩，胃氣如經也。跌陽脈浮而數，浮則傷胃，數則動脾，此非本病，醫特下之，所為也。榮衛內陷，其數先微，脈反但浮，其人必大便鞭，氣噫而除，何以言之？本以數脈動脾，其數先微，故知脾氣不治。大便鞭，氣噫而除。今脈反浮，其數改微，邪氣獨留，心中則飢，邪熱不殺，穀潮熱發渴，數脈當遲緩，脈因前後度數如法，病者則飢，數脈不時則生惡瘡也。○師曰

病人脈微而濇者，此為醫所病也。大發其汗，又數大下之，其人亡血，病當惡寒，後乃發熱，無休止時。夏月盛熱，欲著複衣，冬月盛寒，欲裸其身，所以然者，陽微則惡寒，陰弱則發熱，此醫發其汗，使陽氣微，又大下之，令陰氣弱。五月之時，陽氣在表，胃中虛冷，以陽氣內微，不能勝冷，故欲著複衣。十一月之時，陽氣在裏，胃中煩熱，以陰氣內弱，不能勝熱，故欲裸其身。又陰脈遲濇，故知亡血也。○脈浮而大，心下反鞭，有熱屬藏者，攻之，不令發汗，屬府者，不令溲數。溲數則大便鞭，汗多則熱愈，汗少則便難，脈遲尚未可攻。○脈浮而洪，身汗如油，喘而不休，水漿不下，形體不仁，乍靜乍亂，此為命絕也。又未知何

不令發汗
溲數
是法也

藏先受其災。若汗出髮潤喘不休者。此為肺先絕也。陽反獨留形體如煙熏直視搖頭者。此為心絕也。唇吻反青四肢厥者。此為肝絕也。環口蠶栗柔汗發黃者。此為脾絕也。溲便遺失狂言目反直視者。此為腎絕也。又未知何藏陰陽前絕若陽氣前絕陰氣後竭者。其人死。身色必青。陰氣前絕陽氣後竭者。其人死。身色必赤。腋下溫。心下熱也。○寸口脉浮大而醫反下之。此為大逆。浮則無血。大則為寒。寒氣相搏則為腸鳴。醫乃不知而反飲冷水。令汗大出。水得寒氣必相搏。其人即餒。音同。跌陽脉浮。浮則為虛。浮虛相搏。故令氣餒。言胃氣虛竭也。脉滑則為臑。此為醫反。貴虛取實。守空迫血。脉浮

鼻中燥者必衄也。○諸脉浮數當發熱而洒淅惡寒若有痛處。飲食如常者。畜積有膿也。○脉浮而遲。面熱赤而戰慄者。六七日當汗出而解。反發熱者。差遲遲為無陽。不能作汗。其身必痒也。寸口脉陰陽俱緊者。法當清邪中於上焦。濁邪中於下焦。清邪中上名曰潔也。濁邪中下名曰渾也。陰中於邪必內慄也。表氣微虛裏氣不守。故使邪中於陰也。陽中於邪必發熱。頭痛項強。頸攣腰痛胫酸。所為陽中霧露之氣。故曰清邪中上。濁邪中下。陰氣為慄。足膝逆冷。便溺妄出。表氣微虛裏氣微急。三焦相溷。內外不通。上焦怫鬱。藏氣相熏。口爛食斷也。中焦不治。胃氣不轉。胃中為濁。榮衛不

成本所
為作所
謂

成本齊
作臍

人

通血凝不流若衛氣前通者小便赤黃與熱相搏因熱
作使遊於經絡出入藏府熱氣所過則為癰膿若陰氣
前通者陽氣厥微陰無所使客氣內入噎而出之聲嗝
切骨咽塞寒厥相追為熱所擁血凝自下狀如豚肝陰
陽俱厥脾氣孤弱五液注下下焦不蓋一作清使下重
令便數難齊築湫痛命將難全○脉陰陽俱緊者口中
氣出唇口乾燥蹇臥足冷鼻中涕出舌上胎滑勿妄治
也到七日以來其人微發熱手足温者此為欲解或到
八日以上反大發熱者此為難治設使惡寒者必欲嘔
也腹內痛者必欲利也○脉陰陽俱緊至於吐利其脉
獨不解緊去入安此為欲解若脉遲至六七日不欲食

此為晚發水停故也為未解食自可者為欲解病六七
日手足三部脉皆至大煩而口噤不能言其人躁擾者
必欲解也若脉和其人六煩目重臉內際黃者此欲解
也○脉浮而數浮為風數為虛風為熱虛為寒風虛相
搏則洒淅惡寒也○脉浮而滑滑為陽滑為實陽實相
搏其脉數疾衛氣失度浮滑之脉數疾發熱汗出者此
為不治○傷寒效逆上氣其脉散者死謂其形損故也

平脉法第二

問曰脉有三部陰陽相乘榮衛血氣在人體躬呼吸出
入上下於中因息遊布津液流通隨時動作效象形容
春弦秋浮冬沈夏洪察色觀脉大小不同一時之間變

無經常尺寸參差或短或長上下垂錯或存或亡病輒
改易進退低昂心迷意惑動失紀綱願為具陳今得分
明師曰子之所問道之根源脉有三部尺寸及關榮衛
流行不失衡銓腎沈心洪肺浮肝弦此自經常不失銖
分出入升降漏刻周旋水下百刻一周循環當復寸口
虛實見焉變化相乘陰陽相干風則浮虛寒則牢堅沈
潛水瀆支飲急弦動則為痛數則熱煩設有不應知變
所緣三部不同病各異端太過則怪不及亦然邪不空
見終必有奸審察表裏三焦別焉知其所舍消息診者
料度府藏獨見若神為子條記傳與賢人○師曰呼交
者脉之頭也初持脉來疾去遲此出疾入遲名曰內虛

外實也初持脉來遲去疾此出遲入疾名曰內實外虛
也○問曰上土望而知之中工問而知之下工脉而知
之願聞其說師曰病家人請云病人苦發熱身體疼痛
人自臥師到診其脉沈而遲者知其差也何以知之若
表有病者脉當浮大今脉反沈遲故知愈也假令病人
云腹內卒痛病人自坐師到脉之浮而大者知其差也
何以知之若裏有病者脉當沈而細今脉浮大故知愈
也○師曰病家人來請云病人發熱煩極明日師到病
人向壁臥此熱已去也設令脉不和處言已愈設令向
壁臥聞師到不驚起而眈視若三言三止脉之嚙唾者
此詐病也設令脉自和處言此病大重當須服吐下藥

針灸數十百處乃愈。○師持脉病人欠者無病也。脉之
呻者病也。言遲者風也。搖頭言者裏痛也。行遲者表強
也。坐而伏者短氣也。坐而下二脚者腰痛也。裏實護腹
如懷卵物者心痛也。○師曰：伏氣之病以意候之。今月
之內欲有伏氣假令舊有伏氣當須脉之若脉微弱者
當喉中痛似傷非喉痺也。病人云實咽中痛雖爾今復
欲下利。問曰：人恐怖者其脉何狀。師曰：脉形如循絲累
累然其面白脫色也。○問曰：人不飲其脉何類。師曰：脉
自瀇唇口乾燥也。問曰：人愧者其脉何類。師曰：脉浮而
面色乍白乍赤。○問曰：經說脉有三菽六菽重者何謂
也。師曰：脉人以指按之如三菽之重者肺氣也。如六菽

之重者心氣也。如九菽之重者脾氣也。如十二菽之重
者肝氣也。按之至骨者腎氣也。菽者小豆也。假令下利寸口
關上尺中悉不見脉然尺中時一小見脉再舉頭按按
者腎氣也。若見損脉來至為難治。腎謂所勝脾問曰：脉
有相乘者有縱有橫有逆有順何謂也。師曰：水行乘火金
行乘木名曰縱。火行乘水木行乘金名曰橫。水行乘金
火行乘木名曰逆。金行乘水木行乘火名曰順也。○
問曰：脉有殘賊何謂也。師曰：脉有弦緊浮滑沈瀇此六
脉名曰殘賊能為諸脉作病也。○問曰：脉有災怪何謂
也。師曰：假令人病脉得太陽與形證相應因為作湯比
還送湯如食頃病人乃大吐若下利腹中痛。師曰：我前

傷寒論 卷一

來不見此證。今乃變異。是名災性。又問曰。何緣作此吐
利。荅曰。或有舊時服藥。今乃發作。故為災性耳。○
問曰。東方肝脈。其形何似。師曰。肝者木也。名厥陰。其脈
微弦濡弱而長。是肝脈也。肝病自得濡弱者。愈也。假令
得純弦脈者。死。何以知之。以其脈如弦直。此是肝藏傷。
故知死也。○南方心脈。其形何似。師曰。心者火也。名少
陰。其脈洪大而長。是心脈也。心病自得洪大者。愈也。假
令脈來微去大。故名反病在裏也。脈來頭小本大。故名
覆病在表也。上微頭小者。則汗出。下微本大者。則為關
格不通。不得尿。頭無汗者。可治。有汗者。死。西方肺脈。其
形何似。師曰。肺者金也。名太陰。其脈毛浮也。肺病自得

此脈。若得緩遲者。皆愈。若得數者。則劇。何以知之。數者
南方火。火剋西方金。法當癰腫。為難治也。○問曰。二月
得毛浮脈。何以處言。至秋當死。師曰。二月之時。脈當濡
弱。反得毛浮者。故知至秋死。二月肝用事。肝屬木。脈應
濡弱。反得毛浮脈者。是肺脈也。肺屬金。金來剋木。故知
至秋死。他皆倣此。○師曰。脈肥人。責浮瘦人。責沈。肥人
當沈。今反浮。瘦人當浮。今反沈。故責之。○師曰。寸脈下
不至。關為陽。絕尺。脈上不至。關為陰。絕此。皆不治。決死
也。若計其餘。命生死之期。期以月節。剋之也。○師曰。脈
病人不病。名曰行尸。以無王氣。卒眩仆。不識人者。知命
則死。人病脈不病。名曰內虛。以無穀神。雖困無苦。○

問曰。翕奄沈名曰滑。何謂也。師曰。沈為純陰。翕為正陽。陰陽和合。故令脉滑。關尺自平。陽明脉微沈。食飲自可。少陰脉微滑。滑者緊之浮名也。此為陰實。其人必收。為汗出。陰下濕也。○問曰。曾為人。所難緊脉。從何而來。師曰。假令亡汗。若吐。以肺裏寒。故令脉緊也。假令欬者。坐飲冷水。故令脉緊也。假令下利。以胃虛冷。故令脉緊也。寸口衛氣盛。名曰高。高者。暴狂而肥。榮氣盛。名曰章。章者。暴澤而光。高章相搏。名曰綱。綱者。身筋急。衛氣弱。名曰慄。慄者。心中氣虛。故也。衛氣和。名曰緩。緩者。四肢榮氣和。名曰遲。榮氣和。名曰遲。遲者。身欲眠也。緩遲相搏。名曰沈。沈者。腰中直。腹內急。

寸口脉緩而遲緩。則陽氣長。其色鮮。其頰光。其聲商。毛髮長。遲則陰氣盛。骨髓生。血滿。肌肉緊。薄鮮。鞭陰陽相抱。榮衛俱行。剛柔相得。名曰強也。○跌陽脉滑而緊。滑者胃氣實。緊者脾氣強。持實擊強。痛還自傷。以手把刀。坐作瘡也。○寸口脉浮而大。浮為虛。大為實。在尺為關。在寸為格。關則不得小便。格則吐逆。○跌陽脉伏而漇。伏則吐逆。水穀不化。漇則食不得入。名曰關格。○脉浮而大。浮為風虛。大為氣強。風氣相搏。必成隱癩。身體為痒。痒者名泄風。久久為痂癩。痂癩。乾瘡而腥臭也。○寸口脉弱而遲。弱者衛氣微。遲者榮中寒。榮為血。血寒則發熱。衛為氣。氣微者。心內飢飢。而虛滿不能食也。○跌陽脉

大而緊者當即下利為難治。寸口脉弱而緩弱者陽氣不足緩者胃氣有餘噫而吞酸食卒不下氣填於膈上也。下作○跌陽脉緊而浮浮為氣緊為寒浮為腹滿緊為絞痛浮緊相搏腸鳴而轉轉即氣動膈氣乃下少陰脉不出其陰腫大而虛也。寸口脉微而瀋微者衛氣不行瀋者榮氣不逮榮衛不能相將三焦無所仰身體痺不仁榮氣不足則煩疼口難言衛氣虛者則惡寒數欠三焦不歸其部上焦不歸者噫而酢吞中焦不歸者不能消穀引食下焦不歸者則遺洩。○跌陽脉沈而數沈為實數消穀緊者病難治。○寸口脉微而瀋微者衛氣衰瀋者榮氣不足衛氣衰面色黃榮氣不足面色

青榮為根衛為葉榮衛俱微則根葉枯槁而寒慄逆逆唾腥吐涎沫也。○跌陽脉浮而芤浮者衛氣虛芤者榮氣傷其身體瘦肌肉甲錯浮芤相搏宗氣微衰四屬斷絕。四屬者謂皮肉脈髓俱竭宗氣則衰矣。○寸口脉微而緩微者衛氣疎疎則其膚空緩者胃氣實實則穀消而水化也穀入於胃脉道乃行水入於經其血乃成榮盛則其膚心疎三焦絕經名曰血崩。○跌陽脉微而緊緊則為寒微則為虛微緊相搏則為短氣。○少陰脉弱而瀋弱者微煩瀋者厥逆。○跌陽脉不出脾不上下身冷膚鞭。○少陰脉不至腎氣微少精血奔氣促迫上入胃膈宗氣反聚血結心下陽氣退下熱歸陰股與陰相動令身不仁此為

尸厥當刺期門巨闕宗氣者三焦之神使也下焦氣也有名無形氣也。寸口脉微尺脉緊其人虛損多陰常在絕不見陽也。寸口諸微亡陽諸濡亡血諸弱熱諸緊為寒。諸乘寒者則為厥鬱冒不仁以胃無穀氣胃不通口急不能言戰而慄也。問曰濡弱何以反適十一頭師曰五藏六府相乘故令十一。問曰何以知乘府以知乘藏師曰諸陽浮數為乘府諸陰遲澹為乘藏也

傷寒論卷第一

傷寒論卷第二

傷寒例第三

辨瘧濕喝脉證第四

辨太陽病脉證并治上第五

傷寒例第三

四時八節二十四氣七十二候決病法。

立春正月節斗指艮 雨水正月中指寅

驚蟄二月節指甲 春分二月中指卯

清明三月節指乙 穀雨三月中指辰

立夏四月節指巽 小滿四月中指巳

芒種五月節指丙 夏至五月中指午

小暑六月節指丁 大暑六月中指未

立秋七月節指坤

處暑七月中指申

白露八月節指庚

秋分八月中指酉

寒露九月節指辛

霜降九月中指戌

立冬十月節指乾

小雪十月中指亥

大雪十一月節指壬

冬至十一月中指子

小寒十二月節指癸

大寒十二月中指丑

二十四氣節有十二中氣有十二五日為一候
氣亦同合有七十二候決病生死此須洞解之也

陰陽大論云春氣溫和夏氣暑熱秋氣清凉冬氣冰冽此則四時正氣之序也冬時嚴寒萬類深藏君子固密則不傷於寒觸冒之者乃名傷寒耳其傷於四時之氣皆能為病以傷寒為毒者以其最成殺厲之氣也中而

成字
病下無
者字

即病者名曰傷寒不即病者寒毒藏於肌膚至春變為溫病至夏變為暑病暑病者熱極重於溫也是以辛苦之人春夏多溫熱病者皆由冬時觸寒所致非時行之氣也凡時行者春時應暖而反大寒夏時應熱而反大涼秋時應涼而反大熱冬時應寒而反大溫此非其時而有其氣是以一歲之中長幼之病多相似者此則時行之氣也夫欲候知四時正氣為病及時行疫氣之法皆當按斗曆占之九月霜降節後宜漸寒向冬大寒至正月雨水節後宜解也所以謂之雨水者以水雪解而為雨水故也至驚蟄二月節後氣漸和暖向夏大暑至秋便涼從霜降以後至春分以前凡有觸冒霜露體中

成本
作曰

寒即病者謂之傷寒也。九月十月寒氣尚微為病則輕。十一月十二月寒冽已嚴為病則重。正月二月寒漸將解為病亦輕。此以冬時不調適有傷寒之人即為病也。其冬有非節之暖者名為冬溫。冬溫之毒與傷寒大異。冬溫復有先後更相重沓亦有輕重為治不同。證如後章。從立春節後其中無暴大寒又不冰雪而有人壯熱為病者此屬春時陽氣發於冬時伏寒變為溫病。從春分以後至秋分節前天有暴寒者皆為時行寒疫也。三月四月或有暴寒其時陽氣尚弱為寒所折病熱猶輕。五月六月陽氣已盛為寒所折病熱則重。七月八月陽氣已衰為寒所折病熱亦微。其病與溫及暑病相似但

成本四
氣之下
有也字
成本至
仍不至
作至而
不至

治有殊耳。十五日得一氣於四時之中。一時有六氣。四六名為二十四氣。然氣候亦有應至仍不至或有未應至而至者。或有至而太過者皆成病氣也。但天地動靜陰陽鼓擊者各正一氣耳。是以彼春之暖為夏之暑。彼秋之忿為冬之怒。是故冬至之後一陽爻升一陰爻降也。夏至之後一陽氣下一陰氣上也。斯則冬夏一至陰陽合也。春秋二分陰陽離也。陰陽交易人變病焉。此君子春夏養陽秋冬養陰順天地之剛柔也。小人觸冒必嬰暑疹須知毒烈之氣留在何經而發何病詳而取之是以春傷於風夏必殄泄夏傷於暑秋必病瘧秋傷於濕冬必咳嗽冬傷於寒春必病溫此必然之道可不審

成水尺
字下無
故字

明之傷寒之病逐日淺深以施方治今世人傷寒或始
不早治或治不對病或日數久淹困乃告醫醫人又不
依次第而治之則不中病皆宜臨時消息制方無不效
也今搜採仲景舊論錄其證候診脉聲色對病真方有
神驗者擬防世急也○又土地温涼高下不同物性剛
柔食居亦異是故黃帝與四方之間歧伯舉四治之能
以訓後賢開其未悟者臨病之工宜須兩審也○
凡傷於寒則為病熱熱雖甚不死若兩感於寒而病者
必死○尺寸俱浮者太陽受病也當一二日發以其脉
上連風府故頭項痛腰脊強○尺寸俱長者陽明受病
也當二三日發以其脉夾鼻絡於目故身熱目疼鼻乾

不得臥○尺寸俱弦者少陽受病也當三四日發以其
脉循脅絡於耳故曾脅痛而耳聾此三經皆受病未入
於府者可汗而已○尺寸俱沈細者太陰受病也當四
五日發以其脉布胃中絡於嗌故腹滿而噎乾○尺寸
俱沈者少陰受病也當五六日發以其脉貫腎絡於肺
繫舌本故口燥舌乾而渴○尺寸俱微緩者厥陰受病
也當六七日發以其脉循陰器絡於肝故煩滿而囊縮
此三經皆受病已入於府可下而已○若兩感於寒者
一曰太陽受之即與少陰俱病則頭痛口乾煩滿而渴
二曰陽明受之即與太陰俱病則腹滿身熱不欲食識
之謙切又女語三日少陽受之即與厥陰俱病則耳聾
監切下同

成本寸 天作尺
成本當 依後壞
病証作 當依舊
壞証病 成虛癆
作為虛 癆
成不者 字下無
更字

囊縮而厥水漿不入不知人者六日死若三陰三陽五
藏六府皆受病則榮衛不行藏府不通則死矣其不兩
感於寒更不傳經不加異氣者至七日太陽病衰頭痛
少愈也八日陽明病衰身熱少歇也九日少陽病衰耳
聾微聞也十日太陰病衰腹減如故則思飲食十一日
少陰病衰渴止舌乾已而噎也十二日厥陰病衰囊縱
少腹微下太氣皆去病人精神爽慧也若過十三日以
上不問寸尺陷者大危若更感異氣變為他病者當依
後壞病證而治之若脉陰陽俱盛重感於寒者變成溫
瘧陽脉浮滑陰脉濡弱者更遇於風變為風溫陽脉洪
數陰脉實大者更遇溫熱變為溫毒溫毒為病最重也

厥水如 作若

陽脉濡弱陰脉弦緊者更遇溫氣變為溫疫一本以此
冬傷於寒發為溫病脉之變證方治如說凡人有疾
不時即治隱方真差以成痼疾小兒女子益以滋甚時
氣不和便當早言尋其邪由及在腠理以時治之罕有
不愈者患人恐之數日乃說邪氣入藏則難可制此為
家有患備慮之要凡作湯藥不可避晨夜覺病須臾即
宜便治不等早晚則易愈矣如或差遲病即傳變雖欲
除治必難為力服藥不如方法縱意違師不須治之
凡傷寒之病多從風寒得之始表中風寒入裏則不消
矣未有溫覆而當不消散者不在證治擬欲攻之猶當
先解表乃可下之若表已解而內不消非大滿猶生寒

傷寒論

成本節
作則

熱則病不除若表已解而內不消大滿大實堅有燥屎
 自可除下之雖四五日不能為禍也若不宜下而便攻
 之內虛熱入協熱遂利煩躁諸變不可勝數輕者因篤
 重者必死矣○夫陽盛陰虛汗之則死下之則愈陽虛
 陰盛汗之則愈下之則死夫如是則神丹安可以誤發
 甘遂何可以妄攻虛盛之治相背千里吉凶之機應若
 影響豈容易哉况桂枝下咽陽盛即斃承氣入胃陰盛
 以亡死生之要在乎須臾視身之盡不暇計日此陰陽
 虛實之交錯其候至微發汗吐下之相反其禍至速而
 醫術淺狹懵然不知病源為治乃誤使病者殞沒自謂
 其分至今冤魂塞於冥路死屍盈於曠野仁者鑒此豈

成本誤
作恨沒
作效

成本用
意作交
意

不痛歟○凡兩感病俱作治有先後發表攻裏本自不
 同而執迷用意者乃云神丹甘遂合而飲之且解其表
 又除其裏言巧似是其理實違夫智者之舉錯也常審
 以慎愚者之動作也必果而速安危之變豈可詭哉世
 上之士但務彼翕習之榮而莫見此傾危之敗惟明者
 居然能護其本近取諸身夫何遠之有焉○凡發汗溫
 煖湯藥其方雖言日三服若病劇不解當促其間可半
 日中盡三服若與病相阻即便有所覺病重者一日一
 夜當晡時觀之如服一劑病證猶在故當復作本湯服
 之至有不肯汗出服三劑乃解若汗不出者死病也○
 凡得時氣病至五六日而渴欲飲水飲不能多當與不

成本湯
煖作溫
康

成本証
字下無
而字

成本與
之下無
也字

成本數
字無也

成本三
十六作
三十九
穴

也何者以腹中熱尚少不能消之便更與之作病也至七八日大渴欲飲水者猶當依證而與之與之常令不足勿極意也言能飲一斗與五升若飲而腹滿小便不利若喘若噦不可與之也忽然大汗出是為自愈也○凡得病反能飲水此為欲愈之病其不曉病者但聞病飲水自愈小渴者乃強與飲之因成其禍不可復數也凡得病厥脈動數服湯藥更遲脈浮大減小初躁後靜此皆愈證也○凡治溫病可刺五十九穴又身之穴三百六十有五其三十九穴灸之有害七十九穴刺之為災并中髓也。

脈四損三日死平人四息病人脈一至名曰四損。

脈五損一日死平人五息病人脈一至名曰五損。

脈六損一時死平人六息病人脈一至名曰六損。

脈盛身寒得之傷寒脈虛身熱得之傷暑脈陰陽俱盛大汗出不解者死脈陰陽俱虛熱不止者死脈至乍數乍疎者死脈至如轉索其日死讖言妄語身微熱脈浮大手足溫者生逆冷脈沈細者不過一日死矣此以前是傷寒熱病證候也。

辨瘧濕暍脈證第四

傷寒所致太陽病瘧濕暍此二種宜應別論以為與傷寒相似故此見之○太陽病發熱無汗反惡寒者名曰剛瘧○太陽病發熱汗出而不惡寒名曰柔瘧。

成本大
陽之下
無病字
成本汗
而字惡
者字

傷寒論

卷二

二

厥本病
作痛

太陽病發熱脈沈而細者名曰瘧。○太陽病發汗太多因致瘧。○病身熱足寒頸項強急惡寒時頭熱面赤目脈赤獨頭面搖卒口噤背反張者瘧病也。○太陽病關節疼痛而煩脈沈而細。作者此名濕痺。○濕痺之候其人小便不利大便反快但當利其小便濕家之為病一身盡疼發熱身色如似熏黃濕家其人但頭汗出背強欲得被覆向火若下之早則噦胃滿小便不利舌上如胎者以丹田有熱胃中有寒渴欲得水而不能飲口燥煩也。○濕家下之額上汗出微喘小便利。○死若下利不止者亦死。○問曰風濕相搏一身盡疼法當汗出而解值天陰雨不止醫云此可發汗汗之病

厥本出
汗作干

不愈者何也答曰發其汗汗大出者但風氣去濕氣在是故不愈也若治風濕者發其汗但微微似欲出汗者風濕俱去也。○濕家病身上疼痛發熱面黃而喘頭痛鼻塞而煩其脈大自能飲食腹中和無病病在頭中寒濕故鼻塞內藥鼻中則愈。○病者一身盡疼發熱日晡所劇者此名風濕此病傷於汗出當風或久傷取冷所致也。○太陽中熱者喝是也其人汗出惡寒身熱而渴也太陽中喝者身熱疼重而脈微弱此以夏月傷冷水水行皮中所致也。○太陽中喝者發熱惡寒身重而疼痛其脈弦細芤遲小便已洒洒然毛聳手足逆冷小有勞身即熱口開前板齒燥若發汗則惡寒甚加溫針則

發熱甚數下之則淋甚

辨太陽病脈證并治上第五方合一十六法

太陽中風陽浮陰弱熱發汗出惡寒鼻鳴乾嘔者桂

枝湯主之第一五味前有大陽病一十一證 ● 太陽病頭痛發熱

汗出惡風者桂枝湯主之第二用前第一方 ● 太陽病項

背強几几反汗出惡風者桂枝加葛根湯主之第三

● 太陽病下之後其氣上衝者桂枝湯主之第四

用前第一方下有太陽病壞病一證 ○ 桂枝本為解肌若脈浮發熱

汗不出者不可與之第五下有酒客不可與桂枝湯證 ○ 喘家作

桂枝湯加厚朴杏子第六下有服湯吐證 ● 太陽病發

汗遂漏不止惡風小便難四肢急難以屈伸桂枝加

附子湯主之第七六味 ● 太陽病下之後脈促胃滿

者桂枝去芍藥湯主之第八四味 ● 若微寒者桂枝

去芍藥加附子湯主之第九五味 ○ 太陽病八九日如

瘧狀熱多寒少不嘔清使自可宜桂枝麻黃各半湯

第十七味 ● 太陽病服桂枝湯煩不解先刺風池風

府却與桂枝湯第十一用前第一方 ○ 服桂枝湯大汗出

脈洪大者與桂枝湯若形似瘧一日再發者宜桂枝

二麻黃一湯第十二七味 ● 服桂枝湯大汗出大煩渴

不解脈洪大者白虎加人參湯主之第十三五味 ○

太陽病發熱惡寒熱多寒少脈微弱者宜桂枝二越

婢一湯第十四七味 ● 服桂枝或下之頭項強痛發

成本為
作日
成本燥
作燥

熱無汗。心下滿痛。小便不利者。桂枝去桂加茯苓白
木湯主之。第十五。味。傷寒脈浮。自汗出。小便數。
心煩微惡寒。脚攣急。與桂枝得之便厥。咽乾煩躁。吐
逆。作甘草乾薑湯與之。厥愈更作芍藥甘草湯與之。
其脚伸。若胃氣不和。與調胃承氣湯。若重發汗。加燒
針者。四逆湯主之。第十六。並。甘草乾薑湯。芍藥甘草湯。
並。二味。調胃承氣湯。四逆
湯。並。三味。

太陽之為病。脈浮。頭項強痛。而惡寒。太陽病發熱汗
出惡風。脈緩者。名為中風。太陽病。或已發熱。或未發
熱。必惡寒。體痛嘔逆。脈陰陽俱緊者。名為傷寒。傷寒
一日。太陽受之。脈若靜者。為不傳。頗欲吐。若躁煩。脈數

成本名
字上有
日字

急者。為傳也。傷寒。二三日。陽明少陽證不見者。為不
傳也。太陽病發熱而渴。不惡寒者。為溫病。若發汗已
身灼熱者。名風濕。風濕為病。脈陰陽俱浮。自汗出身重
多眠睡。鼻息必鼾。語言難出。若被下者。小便不利。直視
失溲。若被火者。微發黃色。劇則如驚癇。時瘖瘖。若火熏
之。一逆尚引日。再逆促命期。病有發熱惡寒者。發於
陽也。無熱惡寒者。發於陰也。發於陽。七日愈。發於陰。六
日愈。以陽數七。陰數六故也。太陽病頭痛。至七日以
上自愈者。以行其經盡故也。若欲作再經者。針足陽明。
使經不傳。則愈。太陽病欲解時。從巳至未上。風家表解而不了了者。十二日愈。病人身大熱。反欲

得衣者熱在皮膚寒在骨髓也身大寒反不欲近衣者
寒在皮膚熱在骨髓也●太陽中風陽浮而陰弱陽浮
者熱自發陰弱者汗自出膏膏惡寒淅淅惡風翕翕發
熱鼻鳴乾嘔者桂枝湯主之方一

桂枝二兩 去皮 芍藥三兩 甘草二兩

生薑二兩 切 大棗十二枚 擘

右五味以水七升微火煮取三升去滓通
寒溫服一升服已須臾飲熱稀粥一升餘以助藥力
溫覆令一時許遍身熱熱微似有汗者益佳不可令
如水流離病必不除若一服汗出病差停後服不必
盡劑若不汗更服依前法又不汗後服小促其間半

成寒惡風之下有者字

日許令三服盡若病重者一日一夜服周時視之服
一劑盡病證猶在者更作服若汗不出乃服至二三
劑禁生冷粘滑肉麵五辛酒酪臭惡等物●太陽病
頭痛發熱汗出惡風桂枝湯主之方二用前第
太陽病項背強几几反汗出惡風者桂枝加葛根湯主
之方三

葛根四兩 麻黃二兩 去節 芍藥二兩 生薑二兩 切

甘草二兩 大棗十二枚 擘 桂枝二兩 去皮

右七味以水一斗先煮麻黃葛根減一升去上沫內
諸藥煮取三升去滓溫服一升覆取微似汗不須
粥餘如桂枝法將息及禁忌臣億等謹按桂枝湯本

傷寒論 卷二 太陽中風 自汗用桂

成本與字下無之字成木得湯作得之

傷寒無汗用麻黃。今證云汗出也。第二卷有葛根惡風而方中有麻黃。恐非本意。證云無汗惡風。止其葛根湯。恐是桂枝中。但葛根耳。

太陽病下之後其氣上衝者可與桂枝湯方用前法若不_二上衝者不得與之_一四。太陽病三日已發汗若吐若下若溫針仍不_二解者此為壞病桂枝不中與之也觀其脉證知犯何逆隨證治之桂枝本為解肌若其人脉浮緊發熱汗不出者不可與之也常須識此勿令誤也若酒客病不可與桂枝湯得之則嘔以酒客不喜甘故也喘家作桂枝湯加厚朴杏子佳六凡服桂枝湯吐者其後必吐膿血也太陽病發汗遂漏不止其人惡風小便難四肢微急難以屈伸者桂枝加附子湯主

方七

桂枝 三兩 去皮

芍藥 三兩

甘草 三兩 炙

生薑 三兩 切

大棗 十二枚 擘

附子 一枚 炮去皮破八片

右六味以水七升煮取三升去滓溫服一升本云桂枝湯今加附子將息如前法

太陽病下之後脉促胃滿者桂枝去芍藥湯主之方八

作促

桂枝 三兩 去皮

甘草 三兩 炙

生薑 三兩 切

大棗 十二枚 擘

右四味以水七升煮取三升去滓溫服一升本云桂枝湯今去芍藥將息如前法

若微寒者桂枝去芍藥加附子湯主之方九

桂枝 三兩

甘草 二兩

生薑 三兩

大棗 十二枚

附子 一枚炮去皮破八片

右五味以水七升煮取三升去滓温服一升本云桂

枝湯今去芍藥加附子將息如前法

太陽病得之八九日如瘧狀發熱惡寒熱多寒少其人
不嘔清便欲自可一日二三度發脉微緩者為欲愈也
脉微而惡寒者此陰陽俱虛不可更發汗更下更吐也
面色反有熱色者未欲解也以其不能得小汗出身必
痺宜桂枝麻黃各半湯方十。

桂枝 兩十六分

芍藥

生薑 切

甘草 炙

麻黃 各一兩

大棗 四枚

杏仁 二十四枚湯浸去皮尖及兩仁者

右七味以水五升先煮麻黃一二沸去上沫內諸藥

煮取一升八合去滓温服六合本云桂枝湯三合麻

黃湯三合併為六合頓服將息如上法臣億等謹按

枝芍藥生薑各二兩甘草二兩大棗十二枚麻黃湯方麻黃三兩桂枝二兩甘草二兩杏仁七十箇合以
算法約之湯各取二分之二即得桂枝一兩十六
銖芍藥生薑甘草各一兩大棗四枚杏仁一十三箇
零三分枚之二收之得二十四箇合方詳
此方乃二分之二非各半也宜云合半湯

太陽病初服桂枝湯反煩不解者先刺風池風府却與

桂枝湯則愈十一用前第服桂枝湯大汗出脉洪大

者與桂枝湯如前法若形似瘧一日再發者汗出必解

宜桂枝二麻黃一湯方十二

桂枝 一兩十七

芍藥 一兩

麻黃 十六銖

藥無一字

傷寒論

卷二

桂

活酒菜之...
大...
魚...
三...

微脈極細而軟...
弱脈極沈細而軟...
絕未絕...
絕未絕...

生薑銖切 杏仁去皮尖 甘草銖 大棗五枚

右七味以水五升先煮麻黃一二沸去上沫內諸藥

煮取二升去滓溫服一升日再服本云桂枝湯一分

麻黃湯一分合為二升分再服今合為一方將息如

前法臣億等謹按桂枝湯方桂枝芍藥生薑各三兩

甘草二兩其草二兩大棗十一枚麻黃湯方麻黃三兩桂

枝二兩其草二兩杏仁七十箇今以算法約之桂枝

湯取十二分之二五即得桂枝芍藥生薑各一兩六銖

甘草二十銖大棗五枚麻黃湯取九分之二即得麻

黃十六銖桂枝十銖二分銖之二以之得十一銖其

草五銖二三分銖之二以之得六銖杏仁十五箇九分

枚之四以之得十六箇二湯所取相合即共得桂枝

一兩十七銖麻黃十六銖生薑芍藥各一兩六銖

桂枝湯方桂枝芍藥生薑各一兩六銖

麻黃湯方麻黃三兩桂枝二兩其草二兩杏仁七十箇

大棗十一枚甘草二兩今以算法約之桂枝湯取十二

分之二五即得桂枝芍藥生薑各一兩六銖甘草二十

銖大棗五枚麻黃湯取九分之二即得麻黃十六銖桂

枝十銖二三分銖之二以之得六銖杏仁十五箇九分

枚之四以之得十六箇二湯所取相合即共得桂枝一

兩十七銖麻黃十六銖生薑芍藥各一兩六銖

桂枝湯方桂枝芍藥生薑各一兩六銖

麻黃湯方麻黃三兩桂枝二兩其草二兩杏仁七十箇

大棗十一枚甘草二兩今以算法約之桂枝湯取十二

分之二五即得桂枝芍藥生薑各一兩六銖甘草二十

銖大棗五枚麻黃湯取九分之二即得麻黃十六銖桂

枝十銖二三分銖之二以之得六銖杏仁十五箇九分

知母 六兩

粳米 六合

右五味以水一斗煮米熟湯成去滓溫服一升日三

服

太陽病發熱惡寒熱多寒少脈微弱者此無陽也不可

發汗宜桂枝二越婢一湯方十四

桂枝去皮 芍藥 麻黃 甘草各十

大棗四枚 生薑銖切 石膏碎綿裹

右七味以水五升煮麻黃一二沸去上沫內諸藥煮

取二升去滓溫服一升本云當裁為越婢湯桂枝湯

合之飲一升今合為一方桂枝湯二分越婢湯一分

臣億等謹按桂枝湯方桂枝芍藥生薑各二兩甘草
 二兩大棗十二枚越婢湯方麻黃二兩生薑三兩桂
 枝二兩石膏一斤大棗十五枚今以算法約之桂枝
 湯取四分之二即得桂枝芍藥生薑各十八銖甘草
 十二銖大棗二枚越婢湯取八分之一即得麻黃十
 八銖生薑九銖甘草六銖石膏二十四銖大棗一
 枚八分之七藥之湯所取相合即得桂枝芍藥
 各十八銖生薑一兩二銖石膏一兩四銖大
 棗四枚合方舊云桂枝二兩今取四分之二即當云桂
 枝二兩也越婢湯方見神泉雜方中外臺秘要云起

服桂枝湯或下之仍頭項強痛翕翕發熱無汗心下滿
 微痛小便不利者桂枝去桂加茯苓白朮湯主之方十
 五。

芍藥三兩 甘草二兩 生薑切
 白朮 茯苓各三兩 大棗十二枚

右六味以水八升煮取三升去滓溫服一升小便利
 則愈本云桂枝湯今去桂枝加茯苓白朮

傷寒脈浮自汗出小便數心煩微惡寒脚攣急反與桂
 枝欲攻其表此誤也得之便厥咽中乾煩躁吐逆者作
 甘草乾薑湯與之以復其陽若厥愈足溫者更作芍藥
 甘草湯與之其脚即伸若胃氣不和譫語者少與調胃
 承氣湯若重發汗復加燒針者四逆湯主之方十六○
 甘草乾薑湯方

甘草四兩 乾薑二兩

右二味以水三升煮取一升五合去滓分溫再服○
 芍藥甘草湯方

成藥

傷寒論

卷三

十五

白芍藥

甘草各四兩

右二味以水三升煮取一升五合去滓分溫再服

調胃承氣湯方

大黃四兩去皮

甘草二兩

芒消半升

右三味以水三升煮取一升去滓內芒消更上火微

煮令沸少少溫服之

四逆湯方

甘草二兩

乾薑一斤

附子一枚生用去皮破八片

右三味以水三升煮取一升二合去滓分溫再服強

人可大附子一枚乾薑三兩

問曰證象陽且按法治之而增劇厥逆咽中乾兩脛拘

厥本燥作燥

急而譫語師曰言夜半手足當溫兩脚當伸後如師言

何以知此答曰寸口脉浮而大浮為風大為虛風則生

微熱虛則兩脛攣病形象桂枝因加附子參其間增桂

令汗出附子溫經亡陽故也厥逆咽中乾煩躁陽明內

結譫語煩亂更飲甘草乾薑湯夜半陽氣還兩足當熱

脛尚微拘急重與芍藥甘草湯爾乃脛伸以承氣湯微

澹則止其譫語故知病可愈

傷寒論卷第二

傷寒論卷第二

辨太陽病脉證并治第六合六十六法。方三十一

合病法 ● 太陽病。項背強。凡凡無汗。惡風。葛根湯

主之。第一味。 ● 太陽陽明合病。必自利。葛根湯主之。

第二用前第一。云用前。方一。後第。四方。 ● 太陽陽明合病。不下利。但嘔。

者。葛根加半夏湯主之。第三。八味 ● 太陽病。桂枝

證。醫反下之。利不止。葛根黃芩黃連湯主之。第四。

四味 ● 太陽病。頭痛發熱。身疼惡風。無汗而喘者。麻

黃湯主之。第五。四味 ● 太陽陽明合病。喘而胃滿。

不可下。宜麻黃湯主之。第六。用前第一。五方 ● 太陽病。

十日。以去脉浮細。而嗜臥者。外已解也。用前第一。五方。說

胃滿痛與小柴胡湯脈但浮者與麻黃湯第七方小柴胡湯味
● 太陽中風脈浮發熱惡寒身疼痛不汗出而煩躁者大青龍湯主之第八味
● 傷寒脈浮緩身不疼但重下有輕時無少陰證大青龍湯發之第九用前第
● 傷寒表不解心下有水氣乾嘔發熱而欬小青龍湯主之第十減法附
● 傷寒心下有水氣欬而微喘小青龍湯主之第十一用前
● 太陽病外證未解脈浮弱者當以汗解宜桂枝湯第十二五味
● 太陽病下之微喘者表未解桂枝加厚朴杏子湯主之第十三七味
● 太陽病外證未解不可下也下之為逆解外宜桂枝湯

第十四用前第 ● 太陽病先發汗不解復下之脈浮者當解外宜桂枝湯第十五用前第
● 太陽病脈浮緊無汗發熱身疼痛八九日不解表證在發汗已發煩必衄麻黃湯主之第十六用前第
● 太陽病脈浮者病在表可發汗宜麻黃湯第十七用前第
● 傷寒脈浮數者可發汗宜麻黃湯第十八用前第
● 傷寒脈浮緊不發汗病常自汗出榮衛不和也發汗則愈宜桂枝湯第十九用前第
● 病人藏無他病時自汗出衛氣不和也宜桂枝湯第二十用前第
● 傷寒脈浮發汗因衄麻黃湯主之第二十一用前第
● 傷寒不大便六七日頭痛有熱與承氣湯小使清者知不在

裏當發汗宜桂枝湯第二十二。用前第一方。●傷寒發

汗解半日許復熱煩脈浮數者可更發汗宜桂枝

湯第二十三。用前第十二方。下別有三病證。●下之後復發汗書

日煩躁不得眠夜而安靜不嘔不渴無表證脈沈微

者乾薑附子湯主之第二十四。二味。●發汗後身疼

痛脈沈遲者桂枝加芍藥生薑各一兩人參三兩新

加湯主之第二十五。六味。●發汗後不可行桂枝湯

汗出而喘無大熱者可與麻黃杏子甘草石膏湯第

二十六。四味。●發汗過多其人又手自冒心心悸欲

得按者桂枝甘草湯主之第二十七。二味。●發汗

後臍下悸欲作奔豚茯苓桂枝甘草大棗湯主之第

二十八。四味。下有作。●發汗後腹脹滿者厚朴生薑

半夏甘草人參湯主之第二十九。五味。●傷寒吐下

後心下逆滿氣上衝胃頭眩脈沈緊者茯苓桂枝白

朮甘草湯主之第三十。四味。●發汗病不解反惡寒

者虛故也芍藥甘草附子湯主之第三十一。三味。○

發汗若下之不解煩躁者茯苓四逆湯主之第二十

二五。味。●發汗後惡寒虛故也不惡寒但熱者實也

與調胃承氣湯第三十二。三味。●太陽病發汗後

大汗出胃中乾躁不能眠欲飲水小使不利者五苓

散主之第三十四。五味。即是。●發汗已脈浮數煩渴

者五苓散主之第三十五。用前第一方。●傷寒汗出而

渴者五苓散不渴者茯苓甘草湯主之第三十六味四
 中風發熱六七日不解而煩有表裏證渴欲飲水水
 入則吐各曰水逆五苓散主之第三十七用前第二
十四方下
 別有病證 ●發汗吐下後虛煩不得眠心中懊憹梔子
 豉湯主之若少氣者梔子甘草豉湯主之若嘔者梔
 子生薑豉湯主之第三十八梔子豉湯二味梔子草
草豉湯梔子生薑豉湯
 並三 ●發汗若下之煩熱胃中空者梔子豉湯主之
 第三十九用上初方 ●傷寒五六日大下之身熱不去心
 中結痛者梔子豉湯主之第四十初方 ●傷寒下後
 心煩腹滿臥起不安者梔子厚朴湯主之第四十一味三
 傷寒醫以丸藥下之身熱不去微煩者梔子乾薑湯

主之第四十二二味下有不可
與梔子湯一證 ●太陽病發汗不解
 仍發熱心下悸頭眩身憊真武湯主之第四十三味五
下有不可
并五證 ●汗家重發汗必恍惚心亂禹餘糧丸主
 之第四十四方本闕下有吐
既先汗下二證 ●傷寒醫下之清穀不
 止身疼痛急當救裏後身疼痛清便自調急當救表
 救裏宜四逆湯救表宜桂枝湯第四十五桂枝湯用
前第十二
方四逆
湯三味 ●太陽病未解脈陰陽俱停陰脈微者下之
 解宜調胃承氣湯第四十六用前第三十二方一云
用大柴胡湯前有太陽
病一證 ●太陽病發熱汗出榮弱衛強故使汗出欲救
 邪風宜桂枝湯第四十七用前第十二方 ●傷寒五六日中
 風往來寒熱骨節滿不欲食心煩喜嘔者小柴胡湯

主之第四十八。再見柴胡湯加減法附。○血弱氣盡，腠理開，邪氣因入，與正氣分爭，往來寒熱，休作有時。小柴胡湯主之。第四十九。用前方。渴者，屬陽明證附。○傷寒四五日，身熱惡風，項強脅下滿，手足溫而渴者，小柴胡湯主之。第五十。用前方。○傷寒陽脈濇，陰脈弦，法當腹中急痛，先與小建中湯，不差者，小柴胡湯主之。第五十一。用前方。第五十一，不可用建中湯，并服小柴胡證。○傷寒二三日，心中悸而煩者，小建中湯主之。第五十二。用前方。第五十二，太陽病過經十餘日，反二三下之後，四五日，柴胡證仍在，微煩者，大柴胡湯主之。第五十三。加大黃。傷寒十三日，不解，胃脘滿而嘔，日晡發潮熱，柴胡加

芒消湯主之。第五十四。味。○傷寒十三日，過經譫語者，調胃承氣湯主之。第五十五。用前方。第二。○太陽病不解，熱結膀胱，其人如狂，宜桃核承氣湯。第五十六。味。傷寒八九日，下之，胃滿煩驚，小便利，譫語身重者，柴胡加龍骨牡蠣湯主之。第五十七。味。○傷寒腹滿譫語，寸口脈浮而緊，此肝乘脾也，名曰縱刺，期門。第五十八。○傷寒發熱，晝晝惡寒，大渴欲飲水，其腹必滿，自汗出，小便利，此肝乘肺也，名曰橫刺，期門。第五十九。下有太陽病二證。○傷寒脈浮，醫火劫之，亡陽必驚狂，臥起不安者，桂枝去芍藥加蜀漆牡蠣龍骨救逆湯主之。第六十。七味。下有不可火五證。○燒針被寒，針處核起

必發奔豚氣桂枝加桂湯主之第六十一。五●火逆下之因燒針煩躁者桂枝甘草龍骨牡蠣湯主之第六十二。四味。下。有。●大陽病過經十餘日温温欲吐胃中痛大便微溏與調胃承氣湯第六十二。用前第三大陽病六七日表證在脉微沈不結胸其人發狂以熱在下焦少腹滿小便自利者下血乃愈抵當湯主之第六十四。四味●大陽病身黃脉澀結少腹鞭小便自利其人如狂者血證諦也抵當湯主之第六十五。用前●傷寒有熱少腹滿應小便不利今反利者有血也當下之宜抵當丸第六十六。四味。下。有。太大陽病項背強几几無汗惡風葛根湯主之方一。

葛根 四兩

麻黃 三兩

桂枝 二兩

生薑 切

甘草 二兩

芍藥 二兩

大棗 兩

右七味以水一斗先煮麻黃葛根減二升去白沫內諸藥煮取三升去滓温服一升覆取微似汗餘如桂枝法將息及禁忌諸湯皆倣此。

太陽與陽明合病者必自下利葛根湯主之方二。用前

後方。云用●太陽與陽明合病不下利但嘔者葛根加半夏湯主之方三。

葛根 四兩

麻黃 三兩

甘草 二兩

芍藥 二兩

桂枝 二兩

生薑 切

半夏 半升

大棗 兩

右八味以水一斗先煮葛根麻黃減二升去白沫內

桂枝 二兩

生薑 切

半夏 半升

大棗 兩

右八味以水一斗先煮葛根麻黃減二升去白沫內

桂枝 二兩

生薑 切

半夏 半升

大棗 兩

右八味以水一斗先煮葛根麻黃減二升去白沫內

生薑 切

半夏 半升

大棗 兩

右八味以水一斗先煮葛根麻黃減二升去白沫內

生薑 切

半夏 半升

大棗 兩

右八味以水一斗先煮葛根麻黃減二升去白沫內

生薑 切

半夏 半升

大棗 兩

右八味以水一斗先煮葛根麻黃減二升去白沫內

生薑 切

半夏 半升

大棗 兩

諸藥煮取三升去滓温服一升覆取微似汗

大陽病桂枝證醫反下之利遂不止脉促者表未解也喘而汗出者葛根黃芩黃連湯主之方四作促一

葛根半斤 甘草二兩 黃芩三兩 黃連二兩

右四味以水八升先煮葛根減一升內諸藥煮取二升去滓分温再服

大陽病頭痛發熱身疼腰痛骨節疼痛惡風無汗而喘者麻黃湯主之方五

麻黃三兩 桂枝二兩 甘草一兩 杏仁七十第去皮尖

右四味以水九升先煮麻黃減二升去上沫內諸藥煮取一升半去滓温服八合覆取微似汗不須啜粥

餘如桂枝法將息 太陽與陽明合病喘而胃滿者

不可下宜麻黃湯六用前第 太陽病十日以去脉浮

細而嗜臥者外已解也設胃滿脅痛者與小柴胡湯脉

但浮者與麻黃湯七用前第

小柴胡湯方

柴胡半斤 黃芩 人參 甘草

生薑兩各三 大棗十二半夏半升

右七味以水一斗二升煮取六升去滓再煎取三升

温服一升日三服

太陽中風脉浮緊發熱惡寒身疼痛不汗出而煩躁者大青龍湯主之若脉微弱汗出惡風者不可服之服之

則厥逆筋惕肉瞤此為逆也。大青龍湯方八。

麻黃六兩 去節 桂枝二兩 去皮 甘草二兩 炙 杏仁四十枚 去皮尖

生薑切三兩 大棗十枚 擘 石膏如雞子 大碎

右七味以水九升先煮麻黃減二升去上沫內諸藥
煮取三升去滓溫服一升取微似汗汗出多者溫粉
撲之一服汗者停後服若復服汗多亡陽遂逆一作虛
惡風煩躁不得眠也。●傷寒脉浮緩身不疼但重下
有輕時無少陰證者大青龍湯發之九用前第 八方
傷寒表不解心下有水氣乾嘔發熱而欬或渴或利或
噎或小便不利少腹滿或喘者小青龍湯主之方

麻黃去節 芍藥 細辛 乾薑

甘草炙 桂枝各二兩 去皮 五味子半升 半夏洗半升

右八味以水一斗先煮麻黃減二升去上沫內諸藥
煮取三升去滓溫服一升若渴去半夏加栝樓根二
兩若微利去麻黃加羌活如雞子熬令赤色若噎
者去麻黃加附子一枚炮若小便不利少腹滿者去
麻黃加茯苓四兩若喘去麻黃加杏仁半升去皮尖
且羌活不治利麻黃主喘今此語反之疑非仲景意
臣億等謹按小青龍湯大要治水又按本草羌活
十二水若水去利則止也又按千金形腫者應
黃乃內杏仁者以麻黃發其陽故也以此證之豈非仲景意也 ●傷寒心下有水氣
欬而微喘發熱不渴服湯已渴者此寒去欲解也小青
龍湯主之十一用前第 十方 ●太陽病外證未解脉浮弱者

當以汗解宜桂枝湯方十二。

桂枝去皮

芍藥

生薑各三兩切

甘草二兩炙

大棗十二枚擘

右五味以水七升煮取三升去滓温服一升須臾啜熱稀粥一升助藥力取微汗。●太陽病下之微喘者表未解故也桂枝加厚朴杏子湯主之方十三。

桂枝二兩去皮

甘草二兩炙

生薑三兩切

芍藥三兩

大棗十二枚擘

厚朴二兩炙去皮

杏仁五十枚去皮尖

右七味以水七升微火煮取三升去滓温服一升覆取微似汗。●太陽病外證未解不可下也下之為逆欲解外者宜桂枝湯十四。用前第○太陽病先發汗

不解而復下之脉浮者不愈浮為在外而反下之故令不愈今脉浮故在外當須解外則愈宜桂枝湯十五。用前

第十方●太陽病脉浮緊無汗發熱身疼痛八九日不解表證仍在此當發其汗服藥已微除其人發煩目瞑劇

者必衄衄乃解所以然者陽氣重故也麻黃湯主之十

六。用前第

○太陽病脉浮緊發熱身無汗自衄者愈。

二陽併病太陽初得病時發其汗汗先出不徹因轉屬

陽明續自微汗出不惡寒若太陽病證不罷者不可下

下之為逆如此可小發汗設面色緣緣正赤者陽氣拂鬱在表宜解之重之若發汗不徹不足言陽氣拂鬱不得越當汗不汗其人躁煩不知痛處下在腹中下在四

前以云病人
藏他病時
自汗出衛氣
不和也宜桂
枝湯

肢按之不可得其人短氣但坐以汗出不徹故也更發汗則愈何以知汗出不徹以脉濇故知也○脉浮數者法當汗出而愈若下之身重心悸者不可發汗當自汗出乃解所以然者尺中脉微此裏虛須表裏實津液自和便自汗出愈○脉浮緊者法當身疼痛宜以汗解之假令尺中遲者不可發汗何以知然以榮氣不足血少故也○脉浮者病在表可發汗宜麻黃湯十七用前第五方桂枝湯○脉浮而數者可發汗宜麻黃湯十八用前第五方病常自汗出者此為榮氣和榮氣和者外不諧以衛氣不共榮氣諧和故爾以榮行脉中衛行脉外復發其汗榮衛和則愈宜桂枝湯十九用前第二方○病人藏無他

又云病常自汗出者榮衛不和也發汗則愈宜桂枝湯

成未亡
津液全
無亡血
三字

病時發熱自汗出而不愈者此衛氣不和也先其時發汗則愈宜桂枝湯二十用前第二方○傷寒脉浮緊不發汗因致衄者麻黃湯主之二十一用前第二方○傷寒不大便六七日頭痛有熱者與承氣湯其小便清者便清不在裏仍在表也當須發汗若頭痛者必衄宜桂枝湯二十二用前第二方○傷寒發汗已解半日許復煩脉浮數者可更發汗宜桂枝湯二十三用前第二方○凡病若發汗若吐若下若亡血亡津液陰陽自和者必自愈○大下之後復發汗小便不利者亡津液故也勿治之得小便利必自愈○下之後復發汗必振寒脉微細所以然者以內外俱虛故也○下之後復發汗晝日煩暈不

傷寒論

卷三

得眠夜而安靜。不嘔不渴。無表證。脉沈微。身無大熱者。乾薑附子湯主之。方二十四。

乾薑 一兩

附子

一枚。生用。去皮切八片。

右二味。以水二升。煮取一升。去滓頓服。

發汗後身疼痛。脉沈遲者。桂枝加芍藥生薑各一兩。人參二兩。新加湯主之。方二十五。

桂枝 二兩

芍藥 四兩

甘草 二兩

人參 二兩

大棗 十二枚

生薑 四兩

右六味。以水一斗二升。煮取三升。去滓。溫服一升。本

云桂枝湯。今加芍藥生薑人參。

發汗後不可更行桂枝湯。汗出而喘。無大熱者。可與

黃杏仁甘草石膏湯。方二十六。

麻黃

四兩。去節。

杏仁

五十箇。去皮尖。

甘草

二兩。

石膏

半斤。碎。

右四味。以水七升。煮麻黃減二升。去上沫。內諸藥。煮

取二升。去滓。溫服一升。本云黃耳杯。

發汗過多。其人叉手自冒心。心下悸。欲得按者。桂枝甘草湯主之。方二十七。

桂枝

四兩。去皮。

甘草

二兩。

右二味。以水三升。煮取一升。去滓頓服。

發汗後其人臍下悸者。欲作奔豚。茯苓桂枝甘草大棗湯主之。方二十八。

茯苓

半斤。

桂枝

四兩。去皮。

甘草

二兩。

大棗

十五枚。

右四味以甘爛水一斗先煮茯苓減二升內諸藥煮取二升去滓溫服一升日三服
作甘爛水法取水一斗置太盆內以杓揚之水上有珠字五六千顆相逐取用之

發汗後腹脹滿者厚朴生薑半夏甘草人參湯主之方二十九

厚朴半斤炙去皮 生薑半斤切 半夏半斤洗 甘草二兩

人參二兩

右五味以水一斗煮取三升去滓溫服一升日三服傷寒若吐若下後心下逆滿氣上衝胃起則頭眩脈沈緊發汗則動經身為振振搖者茯苓桂枝白朮甘草湯

主之方三十

茯苓四兩 桂枝三兩去皮 白朮二兩 甘草各二兩炙

右四味以水六升煮取三升去滓分溫三服發汗病不解反惡寒者虛故也芍藥甘草附子湯主之方三十一

芍藥 甘草各二兩炙 附子一枚炮去皮破八片

右三味以水五升煮取一升五合去滓分溫三服疑非仲景方

發汗若下之病仍不解煩躁者茯苓四逆湯主之方三十二

茯苓四兩 人參一兩 附子一枚生用去皮破八片

甘草二兩炙 乾薑半兩

右五味以水五升煮取三升去滓温服七合日二服
發汗後惡寒者虛故也不惡寒但熱者實也當和胃氣
與調胃承氣湯方三十三玉函云與小承氣湯

芒消半升 甘草二兩 大黃四兩去皮

右三味以水三升煮取一升去滓內芒消更煮兩沸

頓服

太陽病發汗後大汗出胃中乾煩躁不得眠欲得飲水
者少少與飲之令胃氣和則愈若脈浮小便不利微熱
消渴者五苓散主之方三十四即猪苓散是

猪苓十八銖 澤瀉六銖 白朮十八銖 茯苓十八銖

桂枝半兩
去皮

右五味搗為散以白飲和服方寸匕日二服多飲煖
水汗出愈如法將息

發汗已脈浮數煩渴者五苓散主之用前第十四方
傷寒汗出而渴者五苓散主之不渴者茯苓甘草湯主
之方三十六

茯苓二兩 桂枝二兩 甘草二兩 生薑三兩

右四味以水四升煮取二升去滓分温三服

中風發熱六七日不解而煩有表裏證渴欲飲水水入
則吐者名曰水逆五苓散主之用前第十四方
未持脈時病人手叉自冒心師因教試令飲而不效者
此必兩耳聾無聞也所以然者以重發汗虛故如此發

汗後飲水多必喘以水灌之亦喘

發汗後水藥不得入口為逆若更發汗必吐下不止發

汗吐下後虛煩不得眠若劇者必反覆顛倒音到心中

懊懣上烏浩下奴 梔子豉湯主之若少氣者梔子甘草

豉湯主之若嘔者梔子生薑豉湯主之二十八

梔子豉湯方

梔子十四箇 香豉四合

右二味以水四升先煮梔子得二升半內豉煮取一

升半去滓分為二服溫進一服得吐者止後服

梔子甘草豉湯方

梔子十四箇 甘草二兩 香豉四合

右三味以水四升先煮梔子甘草取二升半內豉煮

取一升半去滓分為二服溫進一服得吐者止後服

梔子生薑豉湯方

梔子十四箇 生薑五兩 香豉四合

右三味以水四升先煮梔子生薑取二升半內豉煮

取一升半去滓分為二服溫進一服得吐者止後服

發汗若下之而煩熱胸中窒者梔子豉湯主之二十八

傷寒五六日大下之後身熱不去心中結痛者

未欲解也梔子豉湯主之四十

腹滿臥起不安者梔子厚朴湯主之方四十一

梔子十四箇 厚朴四兩 枳實四枚

梔子十四箇 厚朴四兩 枳實四枚

右三味以水三升半煮取一升半去滓分二服温進
一服得吐者止後服。

傷寒醫以丸藥大下之身熱不去微煩者梔子乾薑湯
主之方四十二。

梔子四 乾薑一

右二味以水三升半煮取一升半去滓分二服温進
一服得吐者止後服。

凡用梔子湯病人舊微瀉者不可與服之。

太陽病發汗汗出不解其人仍發熱心下悸頭眩身瞤
動振振欲擗一作地者真武湯主之方四十三。

茯苓

芍藥

白朮

附子

皮破心片

生薑

兩切

右五味以水八升煮取三升去滓温服七合日三服。

咽喉乾燥者不可發汗。淋家不可發汗發汗必便血。

瘡家雖身疼痛不可發汗汗出則痊。衄家不可發汗。

汗出必額上陷脉急緊直視不能。喘音喚又胡編切

不得眠。亡血家不可發汗發汗則寒慄而振。

汗家重發汗必恍惚心亂小便已陰疼與禹餘糧九四

十四方本。病人有寒復發汗胃中冷必吐衄一作

本發汗而復下之此為逆也。若先發汗治不為逆本先

下之而反汗之為逆若先下之治不為逆。傷寒醫下

之續得下利清穀不止身疼痛者急當救裏後身疼痛

清便自調者急當救表救裏宜四逆湯救表宜桂枝湯

四十五 用前第

病發熱頭痛脈反沈若不差身體疼痛當救其裏宜
四逆湯方。

甘草二兩

乾薑半兩

附子一枚生用去皮破八片

右三味以水三升煮取一升二合去滓分溫再服強
人可大附子一枚乾薑三兩

太陽病先下而不愈因復發汗以此表裏俱虛其人因
致胃家汗出目愈所以然者汗出表和故也裏未和
脈實者下之而解若欲下之宜調胃承氣湯四十六
厥後復下之大陽病未解脈陰陽俱停微作必先
振慄汗出而解但陽脈微者先汗出而解但陰脈微

用前第

太陽病發熱汗出者此為榮弱

衛強故使汗出欲救邪風者宜桂枝湯四十七

傷寒五六日中風往來寒熱胃脅苦滿嘿嘿不欲飲食

心煩喜嘔或胃中煩而不嘔或渴或腹中痛或脅下痞

鞭或心下悸小便不利或不渴身有微熱或欬者小柴

胡湯主之方四十八

柴胡半斤

黃芩三兩

人參三兩

半夏半升

甘草

生薑各二兩切

大棗十二枚擘

右七味以水一斗二升煮取六升去滓再煎取三升

溫服一升日三服若胃中煩而不嘔者去半夏人參

加栝樓實一枚若渴去半夏加人參合煎成四兩半

成木桂
字下無
微字

枯樓根四兩。若腹中痛者。去黃芩加芍藥二兩。若膈
下痞鞭。去大棗加牡蠣四兩。若心下悸。小便不利者。
去黃芩加茯苓四兩。若不渴。外有微熱者。去人參加
桂枝三兩。溫覆微汗。愈。若欬者。去人參大棗生薑加
五味子半升。乾薑二兩。血弱氣盡。腠理開。邪氣因
入。與正氣相搏。結於脅下。正邪分爭。往來寒熱。休作有
時。嘔噦不欲飲食。藏府相連。其痛必下。邪高痛下。故使
嘔也。云藏府相連。其病必下脅中痛。小柴胡湯主之。服柴胡湯已渴
者。屬陽明。以法治之。四十九。用前。得病六七日。脉遲
浮弱。惡風寒。手足溫。醫二三下之。不能食。而脅下滿痛。
面目及身黃。頸項強。小便黃者。與柴胡湯。後必下重。本

渴飲水而嘔者。柴胡湯不中與也。食穀者噦。傷寒四
五日。身熱惡風。頸項強。脅下滿。手足溫而渴者。小柴胡
湯主之。五十。用前。傷寒陽脉澹陰脉弦。法當腹中急
痛。先與小建中湯。不差者。小柴胡湯主之。五十。用前
小建中湯方

桂枝三兩 去皮 甘草二兩 炙 大棗十二枚 擘 芍藥六兩
生薑二兩 切 膠飴一升

右六味。以水七升。煮取三升。去滓。內飴。更上微火消
解。溫服一升。日三服。嘔家不可用。建中湯以甜故也。
傷寒中風。有柴胡證。但見一證。便是。不必悉具。凡柴胡
湯病證而下之。若柴胡證不罷者。復與柴胡湯。必蒸蒸

傷寒論

而振却復發熱汗出而解。傷寒二三日心中悸而煩者小建中湯主之。五十二用前第五十一方。大陽病過經十日餘白反二三下之後四五日柴胡證仍在者先與小柴胡嘔不止心下急止小安鬱鬱微煩者為未解也。與大柴胡湯下之則愈。方五十三。

柴胡 半斤

黃芩 三兩

芍藥 三兩

半夏 半升

生薑 五兩

枳實 四枚

大棗 十枚

右七味以水一斗二升煮取六升去滓再煎溫服一升日三服。方加大黃二兩若不加恐不為大柴胡湯。傷寒十三日不解胃脘滿而嘔日晡所發潮熱已而微利此本柴胡證下之以不得利今反利者知醫

以丸藥下之此非其治也。潮熱者實也先宜服小柴胡湯以解外後以柴胡加芒消湯主之。五十四。

柴胡 二兩

黃芩 一兩

人參 一兩

甘草 一兩

生薑 一兩

半夏 二十餘本

大棗 四枚

芒消 二兩

右八味以水四升煮取二升去滓內芒消更煮微沸分溫再服不解更作。臣億等謹按金匱玉函方中無消二合。大黃四兩。桑螵蛸五枚。煮取一升半。服五合。微下即愈。本云柴胡再服以解其外。餘二升加芒消。大黃桑螵蛸也。傷寒十三日過經譫語者以有熱也。當以湯下之。若小便利者大便當鞏而反下利脉調和者知醫以丸藥下之非其治也。若自下利者脉當微厥。今反和者此為內實也。調胃承氣湯主之。五十五。

用前第三十一方

大陽病不解熱結膀胱其人如狂血自下下者愈其外
不解者尚未可攻當先解其外外解已但少腹急結者
乃可攻之宜桃核承氣湯方五十六後云解外宜桂枝湯

桃仁五十箇 去皮尖 大黃四兩 桂枝二兩 甘草二兩

芒消二兩

右五味以水七升煮取二升半去滓內芒消更上微沸下火先食溫服五合日三服當微利

傷寒八九日下之曾滿煩驚小便不利譫語一身盡重
不可轉側者柴胡加龍骨牡蠣湯主之方五十七

柴胡四兩 龍骨 黃芩 生薑切

鈔丹 人參 桂枝去皮 茯苓各一兩半

半夏二兩 合半洗 大黃二兩 牡蠣一兩 大棗六枚

右十二味以水八升煮取四升內大黃切如碁子更
煮一兩沸去滓溫服一升本云柴胡湯今加龍骨等

傷寒腹滿譫語寸口脈浮而緊此肝乘脾也名曰縱刺
期門五十八○傷寒發熱膏膏惡寒大渴欲飲水其腹

必滿自汗出小便利其病欲解此肝乘肺也名曰橫刺
期門五十九○太陽病二日反躁凡熨其背而大汗出

大熱入胃一作背自汗出一作內火氣入胃一作燒躁煩必發譫
語十餘日振慄自下利者此為欲解也故其汗從腰以

下不得汗欲小便不得反嘔欲飲水足下惡風大便鞭
小便當數而反不數及不多大便已頭卓然而痛其人

足心必執穀氣下流故也。○太陽病中風以火劫發汗邪風被火熱血氣流溢失其常度兩陽相熏灼其身發黃陽盛則欲衄陰虛小便難陰陽俱虛竭身體則枯燥但頭汗出劑頸而還腹滿微喘口乾咽爛或不大便久則譫語甚者至噦手足躁擾捻衣摸床小便利者其人可治。●傷寒脉浮醫以火迫劫之亡陽必驚狂臥起不安者桂枝去芍藥加蜀漆牡蠣龍骨救逆湯主之方六十。

桂枝	三兩	甘草	二兩	生薑	三兩	大棗	十二枚
牡蠣	五兩	蜀漆	三兩	龍骨	四兩		

右七味以水一斗二升先煮蜀漆減一升內諸藥煮取三升去滓溫服一升本云桂枝湯今去芍藥加蜀

漆牡蠣龍骨。○形作傷寒其脉不弦緊而弱弱者必渴被災必譫語弱者發熱脉浮解之當汗出愈。○太陽病以火熏之不得汗其人必躁到經不解必清血名為火邪。○脉浮熱甚而反灸之此為實實以虛治因火而動必咽燥吐血。○微數之脉慎不可灸因火為邪則為煩逆追虛逐實血散脉中火氣雖微內攻有力焦骨傷筋血難復也脉浮宜以汗解用火灸之邪無從出因火而盛病從腰以下必重而痺各灸逆也欲自解者必當先煩煩乃有汗而解何以知之脉浮故知汗出解。●燒針令其汗針處被寒核起而赤者必發奔豚氣從少腹上衝心者灸其核上各一壯與桂枝加桂湯更加桂

二兩也。方六十一。

桂枝五兩 去皮

芍藥三兩

生薑切 三兩

甘草二兩 炙

大棗十二枚 擘

右五味以水七升。煮取三升。去滓。溫服一升。本云桂

枝湯。今加桂滿五兩。所以加桂者。以能泄奔豚氣也。

火逆下之。因燒針煩躁者。桂枝甘草龍骨牡蠣湯主之。

方六十二。

桂枝一兩 去皮

甘草二兩 炙

牡蠣二兩 熬

龍骨二兩 炙

右四味以水五升。煮取一升半。去滓。溫服八合。日三服。

太陽傷寒者。加溫針。必驚也。○太陽病當惡寒發熱。今

自汗出。反不惡寒發熱。關上脈細數者。以醫吐之過也。

一二日吐之者。腹中飢。口不能食。三四日吐之者。不喜

糜粥。欲食。冷食。朝食暮吐。以醫吐之所致也。此為小逆。

太陽病吐之。但太陽病當惡寒。今反不惡寒。不欲近衣。

此為吐之內煩也。○病人脈數。數為熱。當消穀。引食。而

反吐者。此以發汗。令陽氣微。膈氣虛。脈乃數也。數為客

熱。不能消穀。以胃中虛冷。故吐也。●太陽病。過經十餘

日。心下溫溫欲吐。而胃中痛。大便反澹。腹微滿。鬱鬱微

煩。先此時。自極吐下者。與調胃承氣湯。若不爾者。不可

與。但欲嘔。胃中痛。微澹者。此非柴胡湯證。以嘔。故知極

吐下也。調胃承氣湯六十三。用前三方第一●太陽病。六七

日。表證仍在。脈微而沈。反不結胸。其人發狂者。以熱在

下焦少腹當鞭滿小便自利者下血乃愈所以然者以太陽隨經瘀熱在裏故也抵當湯主之方六十四。

水蛭熬 蝱蟲各三十箇去翅足熬 桃仁二十箇去尖 大黃酒洗

右四味以水五升煮取二升去滓溫服一升不下更服

太陽病身黃脈沈結少腹鞭小便不利者為無血也小

便自利其人如狂者血證諦也抵當湯主之六十五

傷寒有執少腹滿應小便不利今反利者為有血也當

下之不可餘藥宜抵當丸方六十六

水蛭二十箇去翅足熬 桃仁二十五箇

大黃三兩

右四味搗分四丸以水一升煮一丸取七合服之晡

時當下血若不下者更服

太陽病小便利者以飲水多必心下悸小便少者必苦裏急也

傷寒論卷第四
辨太陽病脈證并治下第七
合二十九法方
三十首并見太陽
辨太陽病脈證并治下第七
合二十九法方
三十首并見太陽

傷寒論卷第四

辨太陽病脈證并治下第七

合二十九法方三十首并見太陽

陽少陽合病法

結胸項強如柔瘕狀下則和宜大陷胃丸第一六味前後

有結胸藏結病六證大陽病心中懊懣陽氣內陷心下鞅木

陷胃湯主之第二二味傷寒六七日結胸熱實脈浮

緊心下痛大陷胃湯主之第三用前方傷寒十餘

日熱結在裏往來寒熱者與大柴胡湯第四六味附

太陽病重發汗復下之不大便五六日舌燥而渴潮

熱從心下至少腹滿痛不可近者大陷胃湯主之第

五用前方小結胸病正在心下按之痛脈浮滑者

小陷胃湯主之第六。三味。下有太。病在陽。應以汗解。反以水濕。熱不得去。益煩。不渴。服文蛤散。不差。與五苓散。寒實結胃。無熱證者。與三物小陷胃湯。白散亦可服。第七。文蛤散。一味。五苓散。五味。小陷胃湯。三味。白散。三味。太陽少陽併病。頭痛眩暈。心下痞者。刺肺俞。肝俞。不可發汗。發汗則譫語。譫語不止。當刺期門。第八。○婦人中風。經水適來。熱除。脉遲。脅下滿。譫語。當刺期門。第九。婦人中風。七八日。寒熱。經水適斷。而結如瘧狀。小柴胡湯主之。第十。七味。○婦人傷寒。經水適來。譫語無犯胃氣。及上二焦。自愈。第十一。●傷寒六七日。發熱微惡寒。支節疼。微嘔。心下支結。柴胡桂枝湯主之。第十

二。九味。●傷寒五六日。已發汗。復下之。胃脅滿。小便不利。渴而不嘔。頭汗出。往來寒熱。心煩。柴胡桂枝乾薑湯主之。第十三。七味。○傷寒五六日。頭汗出。微惡寒。手足冷。心下滿。不欲食。大便鞅。脉細者。為陽微結。非少陰也。可與小柴胡湯。第十四。用前方。●傷寒五六日。嘔而發熱。以他藥下之。柴胡證仍在。可與柴胡湯。蒸而振。却發熱。汗出解。心滿痛者。為結胸。但滿而不痛。為痞。宜半夏瀉心湯。第十五。七味。下有太陽併病。并氣痞。二證。太陽中風。下利嘔逆。表解。乃可攻之。十棗湯主之。第十六。三味。下有太陽併病。并氣痞。二證。●心下痞。按之濡者。大黃黃連瀉心湯主之。第十七。二味。●心下痞。而復惡寒。汗出者。附子

瀉心湯主之第十八。四味。○心下痞與瀉心湯不解者。
五苓散主之第十九。用前方第七證。●傷寒汗解後胃中不
和心下痞生薑瀉心湯主之第二十。八味。●傷寒中風
反下之心下痞醫復下之痞益甚甘草瀉心湯主之
第二十一。六味。●傷寒服藥利不止心下痞與理中利
益甚宜赤石脂禹餘糧湯第二十二。二味。下有痞一證。○
傷寒發汗若吐下心下痞噫不除者旋復代赭湯主
之第二十三。七味。●下後不可更行桂枝湯汗出而喘
無大熱者可與麻黃杏仁甘草石膏湯第二十四。四味。
大陽病外未除數下之遂協熱而利桂枝人參湯主
之第二十五。五味。●傷寒大下後復發汗心下痞惡寒

者不可攻痞先解表表解乃可攻痞解表宜桂枝湯。
攻痞宜大黃黃連瀉心湯第二十六。瀉心湯用前方第七方。●
傷寒發熱汗出不解心中痞嘔吐下利者大柴胡湯
主之第二十七。用前方第四方。●病如桂枝證頭不痛項不
強寸脈浮胃中痞氣上衝不得息當吐之宜瓜蒂散。
第二十八。二味。下有不可與瓜蒂散證。○病脅下素有痞連臍痛
引少腹者此名臧結第二十九。●傷寒若吐下後不
解熱結在裏惡風大渴白虎加人參湯主之第二十。
五味。下有不可與白虎證。●傷寒無大熱口燥渴背微寒者白虎
加人參湯主之第三十一。用前方。●傷寒脈浮發熱無
汗表未解不可與白虎湯渴者白虎加人參湯主之。

第三十二用前第○太陽少陽併病心下鞅項項強
 而眩者刺大椎肺俞肝俞慎勿下之第三十三
 太陽少陽合病自下利黃芩湯若嘔黃芩加半夏生
 薑湯主之第三十四黃芩湯四味加半●傷寒胃中
 有熱胃中有邪氣腹中痛欲嘔者黃連湯主之第三
 十五七味●傷寒八九日風濕相搏身疼煩不能轉側
 不嘔不渴脈浮虛而澹者桂枝附子湯主之大使鞅
 心下鞅心下鞅小便自利者去桂加白朮湯主之第三十
 六桂附湯加水●風濕相搏骨節疼煩掣痛不得屈
 伸汗出短氣小便不利惡風或身微腫者甘草附子
 湯主之第三十七四味●傷寒脈浮滑此表有熱裏有

寒白虎湯主之第二十八四味○傷寒脈結代心動悸
 炙甘草湯主之第三十九九味
 問曰病有結胸有藏結其狀何如答曰按之痛寸脈浮
 關脈沈名曰結胸也○何謂藏結答曰如結胸狀飲食
 如故時時下利寸脈浮關脈小細沈緊名曰藏結舌上
 白胎滑者難治○藏結無陽證不往來寒熱而不熱其
 人反靜舌上胎滑者不可攻也○病發於陽而反下之
 熱入因作結胸病發於陰而反下之汗出因作痞也所
 以成結胸者以下之太早故也結胸者項亦強如柔痙
 狀下之則和宜大陷胸丸方一

大黃半斤 葶藶子半升 芒消半升 杏仁半升 炙熱黑

右四味。擣篩。一味。內杏仁芒消合研如脂和散取如
彈丸。一枚。別擣甘遂末一錢。七白蜜二合。水二升。煮
取一升。溫頓服之。一宿乃下。如不下。更服。取下為效。

禁如藥法

結胃證其脉浮大者不可下。下之則死。○結胃證悉具
煩躁者亦死。●大陽病脉浮而動數。浮則為風。數則為
熱。動則為痛。數則為虛。頭痛發熱微盜汗出。而反惡寒
者。表未解也。醫反下之。動數變遲。膈內拒痛。痛即眩。胃
中空虛。客氣動。膈短氣躁煩。心中懊懣。陽氣內陷。心下
因鞭。則為結胃。大陷胃湯主之。若不結胃。但頭汗出。餘
處無汗。劑頸而還。小使不利。身必發黃。大陷胃湯方二

大黃

六兩
去皮

芒消 一升

甘遂 一錢

右三味。以水六升。先煮大黃取一升。去滓。內芒消。煮
一兩沸。內甘遂末。溫服一升。得快利。止後服。

傷寒六七日。結胸熱實。脉沈而緊。心下痛。按之石。鞭者。
大陷胃湯主之。三。用前第。●傷寒十餘日。熱結在裏。復
往來寒熱者。與大柴胡湯。但結胸無大熱者。此為水結。
在胃脅也。但頭微汗出者。大陷胃湯主之。四。用前第。
大柴胡湯方

柴胡

半斤

枳實

四枚

生薑

五兩

黃芩

二兩

芍藥

三兩

半夏

半升

大棗

十二枚

右七味。以水一斗二升。煮取六升。去滓。再煎。更服一升。

日三服。一方加大黃二兩。若不加大恐不名。大柴胡湯。太陽病重發汗而復下之不大便五六日。舌上燥而渴。日晡所小有潮熱。云日晡所從心下至少腹鞭滿而痛不可近者。大陷胃湯主之。五。用前第。小結胃病正在心下按之則痛。脈浮滑者。小陷胃湯主之。方六。

黃連

一兩

半夏

半升

枳實

一枚

右三味以水六升先煮枳實取三升去滓內諸藥煮取二升去滓分溫三服。

太陽病三日不能臥但欲起心下必結脈微弱者此本有寒分也反下之若利止必作結胃未止者四日復下之此作協熱利也。○太陽病下之其脈促不結

胃者此為欲解也。脈浮者必結胃。脈緊者必咽痛。脈弦者必兩脅拘急。脈細數者頭痛未止。脈沈緊者必欲嘔。脈沈滑者協熱利。脈浮滑者必下血。病在陽應以汗解之。反以冷水澀之若灌之其熱被劫不得去彌更益煩。肉上粟起意欲飲水反不渴者服文蛤散若不差者與五苓散寒實結胃無熱證者與三物小陷胃湯。用前方○白散亦可服。七。物小白散。

文蛤

兩

右一味為散以沸湯和一方寸七服湯用五合。五苓散方。

猪苓

十八銖

白朮

十八銖

澤瀉

六銖

茯苓

十八銖

桂枝半兩 去皮

右五味為散更於白中杵之。白飲和方寸七服之日。三服多飲煖水汗出愈。

白散方

桔梗三分

巴豆一分 去皮 熬黑 研如脂 貝母 三分

右三味為散內巴豆更於白中杵之。以白飲和服。強人半錢七。羸者減之。病在膈上必吐。在膈下必利。不利進熱粥一杯。利過不止進冷粥一杯。身熱皮粟不解欲引衣自覆。若以水澀之洗之。益令熱却不得出。當汗而不汗則煩。假令汗出已腹中痛與芍藥二兩如上法。

太陽與少陽併病。頭項強痛。或眩暈。時如結胸。心下痞鞭者。當刺大椎第一間。肺俞。肝俞。慎不可發汗。發汗則譫語。脉弦。五日譫語不止。當刺期門。入婦人中風發熱。惡寒。經水適來。得之七八日。熱除而脉遲。身涼。曾覺下滿。如結胸狀。譫語者。此為熱入血室也。當刺期門。隨其實而取之。九。婦人中風七八日。續得寒熱。發作有時。經水適斷者。此為熱入血室。其血必結。故使如瘧狀。發作有時。小柴胡湯主之。方十。

柴胡半斤

黃芩三兩

人參三兩

半夏半升 洗

甘草三兩

生薑二兩 切

大棗十二枚 擘

右七味以水一斗二升。煮取六升。去滓。再煎取三升。

傷寒論 卷四
溫服一升日三服。

婦人傷寒發熱經水適來晝日明了暮則讖語如見鬼狀者此為熱入血室無犯胃氣及上二焦必自愈十一。傷寒六七日發熱微惡寒支節煩疼微嘔心下支結外證未去者柴胡桂枝湯主之方十二。

桂枝 去皮

黃芩 半兩

人參 半兩

甘草 炙 一兩

半夏 二合

芍藥 半兩

大棗 六枚

生薑 半兩 切

柴胡 四兩

右九味以水七升煮取三升去滓溫服一升本云入參湯作如桂枝法加半夏柴胡黃芩復如柴胡法今用之參作半劑。

傷寒五六日已發汗而復下之胃脅滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯主之方十三。

柴胡 半斤

桂枝 二兩 去皮

乾薑 二兩

栝樓根 四兩

黃芩 二兩

牡蠣 二兩 熱

甘草 二兩 炙

右七味以水一斗二升煮取六升去滓再煎取三升溫服一升日三服初服微煩復服汗出便愈。傷寒五六日頭汗出微惡寒手足冷心下滿口不欲食大便鞭脈細者此為陽微結必有表復有裏也脈沈亦在裏也汗出為陽微假令純陰結不得復有外證悉入在裏此為半在裏半在外也脈雖沈緊不得為少陰病。

所以然者陰不得有汗。今頭汗出故知非少陰也。可與小柴胡湯。設不了了者得屎而解。十四用前第傷寒五六日嘔而發熱者柴胡湯證具而以他藥下之柴胡證仍在者復與柴胡湯。此雖已下之不為逆。必蒸蒸而振却發熱汗出而解。若心下滿而鞭痛者此為結胃也。大陷胃湯主之。但滿而不痛者此為痞。柴胡不中與之宜半夏瀉心湯。方十五。

半夏洗半升

黃芩

乾薑

人參

甘草炙各二兩

黃連

一兩

大棗

十二枚擘

右七味以水一斗煮取六升去滓再煎取三升溫服一升日三服須臾大陷胃湯者方用前第一法。一方用半

太陽少陽併病而反下之成結胸心下鞭下利不止水漿不下其人煩○脉浮而緊而後下之緊反入裏則作痞按之自濡但氣痞耳●太陽中風下利嘔逆表解者乃可攻之其人發熱汗出發作有時頭痛心下痞鞭滿引脅下痛乾嘔短氣汗出不惡寒者此表解裏未和也。十棗湯主之。方十六。

芫花熬

甘遂

大戟

右三味等分各別擣為散以水一升半先煮大棗肥者十枚取八合去滓內藥末強人服一錢匕羸人服半錢溫服之。平旦服若下少病不除者明日更服加半錢得快下利後糜粥自養。

太陽病醫發汗遂發熱惡寒因復下之心下痞表裏俱虛陰陽氣並竭無陽則陰獨復加燒針因胃煩面色青黃膚腫者難治今色微黃手足溫者易愈。●心下痞按之濡其脈關上浮者大黃黃連瀉心湯主之方十七。

大黃 二兩 黃連 一兩

右二味以麻沸湯二升漬之須臾絞去滓分溫再服

臣億等看詳大黃黃連瀉心湯諸本皆二味又後附子瀉心湯用大黃黃連黃芩附子恐是前方中亦有黃芩後但加附子也故後云附子瀉心湯本云加附子也。

心下痞而復惡寒汗出者附子瀉心湯主之方十八。

大黃 二兩 黃連 一兩 附子 一枚炮去皮破別煮取汁

右四味切三味以麻沸湯二升漬之須臾絞去滓內

附子汁分溫再服。

本以下之故心下痞與瀉心湯痞不解其人渴而口燥煩小便不利者五苓散主之十九。一方云忍之一日乃

愈。用前第七證方●傷寒汗出解之後胃中不和心下痞鞭乾

噫食臭脅下有冰氣腹中雷鳴下利者生薑瀉心湯主

之方二十。

生薑 四兩 甘草 二兩 人參 三兩 乾薑 一兩

黃芩 三兩 半夏 半升 黃連 一兩 大棗 十二枚擘

右八味以水一斗煮取六升去滓再煎取三升溫服

一升日三服附子瀉心湯本云加附子半夏瀉心湯

甘草瀉心湯同體別名耳。生薑瀉心湯本云理中人

參黃芩湯去桂枝木加黃連并瀉肝法

傷寒中風醫反下之其人下利日數十行穀不化腹中雷鳴心下痞鞭而滿乾嘔心煩不得安醫見心下痞謂病不盡復下之其痞益甚此非結熱但以胃中虛客氣上逆故使鞭也甘草瀉心湯主之方二十一

甘草四兩

黃芩二兩

乾薑三兩

半夏半升

大棗十二枚

黃連一兩

右六味以水一斗煮取六升去滓再煎取三升溫服一升日三服臣億等謹按生薑瀉心湯法本云以理中因發陰而生是半夏生薑甘草瀉心三方皆本於理中其方必各有入參今甘草瀉心中無者脫落之也又按千金并外臺秘要治傷寒蠶食用此方皆有人參知脫落無疑

傷寒服湯藥下利不止心下痞鞭服瀉心湯已復以他藥下之利不止醫以理中與之利益甚理中者理中焦此利在下焦赤石脂禹餘糧湯主之復不止者當利其小便赤石脂禹餘糧湯方二十二

赤石脂一斤 太一禹餘糧一斤

右二味以水六升煮取三升去滓分溫三服

傷寒吐下後發汗虛煩脈甚微八九日心下痞鞭脅下痛氣上衝咽喉眩胃經脈動傷者久而成痿傷寒發汗若吐若下解後心下痞鞭噫氣不除者旋復代赭湯主之方二十三

旋復花三兩 人參二兩

生薑五兩

代赭一兩

傷寒論

卷四

甘草 三兩

半夏 半升

大棗 十二枚

右七味以水一斗煮取六升去滓再煎取三升溫服一升日三服

下後不可更行桂枝湯若汗出而喘無大熱者可與麻黃杏子甘草石膏湯方二十四

麻黃 四兩

杏仁 五十箇

甘草 二兩

石膏 半斤

右四味以水七升先煮麻黃減一升去白沫內諸藥煮取三升去滓溫服一升本云黃耳杯

太陽病外證未除而數下之遂協熱而利利下不止心下痞鞅表裏不解者桂枝人參湯主之方二十五

桂枝 四兩

甘草 四兩

白木 三兩

人參 三兩

乾薑 三兩

右五味以水九升先煮四味取五升內桂更煮取三升去滓溫服一升日再夜一服

傷寒大下後復發汗心下痞惡寒者表未解也不可攻

當先解表表解乃可攻痞解表宜桂枝湯攻痞宜大黃黃連瀉心湯二十六

瀉心湯用前四方

傷寒發熱汗出不解心中痞鞅嘔吐而下利者大柴胡湯主之二十七

病如桂枝證頭不痛項不强寸脈微浮胃中痞鞅氣上衝喉咽不得息者此為胃有寒也當吐之宜瓜蒂散方二十八

瓜蒂 一分

熬黃

赤小豆 一分

傷寒論

卷四

右二味各別擣篩為散已合治之取一錢匕以香豉
一合用熱湯下之煮作稀糜去滓取汁和散溫頓服
之不吐者少少加得快吐乃止諸亡血虛家不可與
瓜蒂散

病脅下素有痞連在臍傍痛引少腹入陰筋者此名臧
結死二十九●傷寒若吐若下後七八日不解熱結在

裏表裏俱熱時時惡風大渴舌上乾燥而煩欲飲水數
升者白虎加人參湯主之方三十

知母 六兩
石膏 一斤
甘草 二兩
人參 二兩
粳米 六合

右五味以水一斗煮米熟湯成去滓溫服一升日二

服此方立夏後立秋前乃可服立秋後不可服正月

二月三月尚凜冷亦不可與服之與之則嘔利而腹
痛諸亡血虛家亦不可與得之則腹痛利者但可溫
之當愈

傷寒無大熱口燥渴心煩背微惡寒者白虎加人參湯
主之三十一用前●傷寒脈浮發熱無汗其表不解不

可與白虎湯渴欲飲水無表證者白虎加人參湯主之
三十二用前○太陽少陽併病心下鞕頸項強而眩者

當刺大椎肺俞肝俞慎勿下之二十三●太陽與少陽
合病自下利者與黃芩湯若嘔者黃芩加半夏薑湯

主之三十四

黃芩湯方

黃芩 三兩 芍藥 二兩 甘草 二兩 大棗 十二枚擘

右四味以水一斗煮取三升去滓溫服一升日再夜

一服

黃芩加半夏生薑湯方

黃芩 三兩 芍藥 二兩 甘草 二兩 大棗 十二枚擘

半夏 半升 生薑 一斤兩半切

右六味以水一斗煮取三升去滓溫服一升日再夜

一服

傷寒曾中有熱曾中有邪氣腹中痛欲嘔吐者黃連湯主之方三十五

黃連 三兩 甘草 三兩 乾薑 三兩 桂枝 三兩去皮

人參 二兩 半夏 半升 大棗 十二枚擘

右七味以水一斗煮取六升去滓溫服晝三夜二疑

非仲景方

傷寒八九日風濕相搏身體疼痛不能自轉側不嘔不渴脈浮虛而澀者桂枝附子湯主之若其人大便鞭下下鞭下心小便自利者去桂加白朮湯主之三十六

桂枝 四兩去皮 附子 三枚炮 生薑 三兩 大棗 十二枚擘

甘草 二兩炙

右五味以水六升煮取三升去滓分溫三服

去桂加白朮湯方

附子三枚炮 白朮四兩

生薑三兩

甘草二兩

大棗十二枚

右五味以水六升煮取二升去滓分溫三服初服一人身如痺半日許復服之二服都盡其人如冒狀勿怪此以附子朮併走皮內逐水氣未得除故使之耳法當加桂四兩此本一方二法以大便鞭小便自利去桂也以大便不鞭小便不利當加桂附子三枚恐多也虛弱家及產婦宜減服之風濕相搏骨節疼痛不得屈伸近之則痛劇汗出短氣小便不利惡風不欲去衣或身微腫者甘草附子

湯主之方三十七

甘草二兩

附子二枚炮 白朮二兩

桂枝四兩

右四味以水六升煮取三升去滓溫服一升日三服初服得微汗則解能食汗止復煩者將服五合恐下升多者宜服六七合為始

傷寒脈浮滑此以表有熱裏有寒白虎湯主之方三十八

知母六兩

石膏一斤

甘草二兩

粳米六合

右四味以水一斗煮米熟湯成去滓溫服一升日三服臣億等謹按前篇云熱結在裏表裏俱熱者白虎湯主之又云其表不解不可與白虎湯此云脈浮滑表有熱裏有寒者必表裏字差矣又陽明證云外熱通脈四逆湯主之以此表裏自差明矣千金翼云白通湯非也

傷寒脈結代。心動悸。炙甘草湯主之。方二十九。○
 甘草四兩 生薑三兩 人參二兩 生地黃一斤
 桂枝三兩 阿膠二兩 麥門冬半升 麻仁半升
 大棗三十枚
 右九味。以清酒七升。水八升。先煮八味。取三升。去滓。內膠。烱消。盡溫服。一升。日三服。一名復脈湯。○
 脈按之來緩。時一止。復來者。名曰結。又脈來動而中止。更來小數。中有還者。反動。名曰結陰也。脈來動而中止。不能自還。因而復動者。名曰代。陰也。得此脈者。必難治。

傷寒論卷之四

傷寒論卷第五

辨陽明病脈證并治第八

辨少陽病脈證并治第九

辨陽明病脈證并治第八 合四十四法方行

陽明少陽
△口病法

陽明病。不吐。不下。心煩者。可與調胃承氣湯第一。二。三。前。有。陽。明。病。二。十。七。證。○陽明病。脈遲。汗出不惡寒。身重。短氣。腹滿潮熱。大便鞭。太承氣湯主之。若腹大滿。不通者。與小承氣湯第二。大承氣四味。小承氣三味。○陽明病。潮熱。大便微鞭者。可與太承氣湯。若不大便。六七日。恐有燥屎。與小承氣湯。若不轉失氣。不可攻之。後發熱復鞭者。

小承氣湯和之用前第一方。傷寒若吐下不
 解至十餘日潮熱不惡寒如見鬼狀微喘直視大承
 氣湯主之第四用前第二方。陽明病多汗胃中燥大便
 鞅譴語小承氣湯主之第五用前第二方。陽明病譴語
 潮熱脈滑疾者小承氣湯主之第六用前第二方。陽明
 病譴語潮熱不能食胃中有燥屎宜大承氣湯下之
 第七用前第二方。汗出譴語有燥屎在胃中過
 經乃可下之宜大承氣湯第八用前第二方。有傷寒病
 三陽合病腹滿身重譴語遺尿白虎湯主之第九味
 二陽併病大陽證罷潮熱汗出大便難譴語者宜大
 承氣湯第十用前第二方。陽明病脈浮緊咽燥口苦腹

滿而喘發熱汗出惡熱身重若下之則胃中空虛客
 氣動膈心中懊憹舌上胎者梔子豉湯主之第十一
 二味。○若渴欲飲水舌燥者白虎加人參湯主之第十
 二味。○若脈浮發熱渴欲飲水小便不利者猪苓湯
 主之第十三五味下有不可與猪苓湯一證。○脈浮遲表熱裏寒下
 利清穀者四逆湯主之第十四二味病共。○陽明病
 下之外有熱手足溫不結胸心中懊憹不能食但頭
 汗出梔子豉湯主之第十五用前第一方。○陽明病發潮
 熱大便溏胃滿不去者與小柴胡湯第十六味。○
 陽明病脅下滿不大便而嘔舌上胎者與小柴胡湯
 第十七用上。○陽明中風脈弦浮大短氣腹滿脅下

傷寒論 卷五
及心痛鼻乾不得汗者臥身黃小便難潮熱而嘔與
小柴胡湯第十八用上一方○脈但浮無餘證者與麻黃
湯第十九四味○陽明病自汗出若發汗小便利津
液內竭雖鞭不可攻之須自大便蜜煎導而通之若
土瓜根豬膽汁第二十方附一味○陽明病脈遲汗
出多微惡寒表未解宜桂枝湯第二十一五味
陽明病脈浮無汗而喘發汗則愈宜麻黃湯第二十
二用前第一方○陽明病但頭汗出小便不利身必發黃
茵陳蒿湯主之第二十三味○陽明證喜忘必有畜
血大便黑宜抵當湯主之第二十四味○陽明病下
之心中懊憹而煩胃中有燥屎者宜大承氣湯第二

傷寒論 卷五
十五用前第一方○病人煩熱汗出解如瘧狀日晡
發熱脈實者宜大承氣湯脈浮虛者宜桂枝湯第二
十六大承氣湯用前第一方桂枝湯用前第一方○大下後六七日不
大便煩不解腹滿痛本有宿食宜大承氣湯第二十
七用前第一方○病人小便不利大便下難下易時有微
熱宜大承氣湯第二十八用前第一方○食穀欲嘔屬陽
明也吳茱萸湯主之第二十九味○太陽病發熱汗
出惡寒不嘔心下痞此以醫下之也如不下不惡寒
而渴屬陽明但以法救之宜五苓散第二十五味下有一病證
跌陽脈浮而濡小便數大便鞭其脾為約麻子仁丸
主之第三十一味○太陽病二日發汗不解蒸蒸熱

者調胃承氣湯主之第三十二用前第一方○傷寒吐後
腹脹滿者與調胃承氣湯第三十三用前第一方○太陽
病若吐下發汗後微煩大便鞭與小承氣湯和之第
三十四用前第二方○得病二三日脉弱無太陽柴胡證
煩躁心下鞭小便利尿定鞭宜大承氣湯第三十五
用前第二方○傷寒六七日目中不了了睛不和無表裏
證大便難宜大承氣湯第三十六用前第二方○陽明病
發熱汗多者急下之宜大承氣湯第三十七用前第二方
發汗不解腹滿痛者急下之宜大承氣湯第三十八
用前第二方○腹滿不減減不足言當下之宜大承氣湯
第三十九用前第二方○陽明少陽合病必下利脉滑而

數有宿食也當下之宜大承氣湯第四十用前第二方○
病人無表裏證發熱七八日脉數可下之假令已下
不大使者有瘀血宜抵當湯第四十一用前第二十四方
傷寒七八日身黃如橘色小便不利茵陳蒿湯主之
第四十二用前第二十三方○傷寒身黃發熱梔子蘘皮湯
主之第四十三味三○傷寒瘀熱在裏身必黃麻黃連
軹赤小豆湯主之第四十四味八
問曰病有太陽陽明有正陽陽明有少陽陽明何謂也
答曰太陽陽明者脾約絡云是也正陽陽明者胃家實
是也少陽陽明者發汗利小便已胃中燥煩實大便難
是也○陽明之為病胃家實一作寒是也○問曰何緣得

厥本無
圭字

陽明病。答曰：太陽病若發汗，若下，若利小便，此亡津液，胃中乾燥，因轉屬陽明。不更衣，內實，大便難者，此名陽明也。○問曰：陽明病外證云何？答曰：身熱，汗自出，不惡寒，反惡熱也。○問曰：病有得之一日，不發熱而惡寒者，何也？答曰：雖得之一日，惡寒將自罷，即自汗出而惡熱也。○問曰：惡寒何故自罷？答曰：陽明居中，主土也，萬物所歸，無所復傳，始雖惡寒，二日自止，此為陽明病也。○本太陽初得病時，發其汗，汗先出不徹，因轉屬陽明也。傷寒發熱，無汗，嘔，不能食，而反汗出濇濇然者，是轉屬陽明也。○傷寒三日，陽明脈大。○傷寒脈浮而緩，手足自溫者，是為繫在太陰。太陰者，身當發黃，若小便自利

厥本中
寒下無
者字

厥本欲
食上無
初字

厥本并
作併

者不能發黃，至七八日大便艱者，為陽明病也。○傷寒轉繫陽明者，其人濇然微汗出也。○陽明中風，口苦咽乾，腹滿微喘，發熱惡寒，脈浮而緊，若下之，則腹滿小便難也。○陽明病若能食，名中風，不能食，名中寒。○陽明病若中寒者，不能食，小便不利，手足濇然汗出，此欲作固瘕，必大便初鞭後溏，所以然者，以胃中冷水穀不別故也。○陽明病初欲食，小便反不利，大便自調，其人骨節疼，翕翕如有熱狀，奄然發狂，濇然汗出，而解者，此水不勝穀氣，與汗共并，脈緊則愈。○陽明病欲解時，從申至戌上。○陽明病不能食，攻其熱必噦，所以然者，胃中虛冷故也。以其人本虛，攻其熱必噦。○陽明病脈遲，食

成本註
難用飽飽則微煩頭眩必小便難也欲作穀瘵雖下之

成本註
腹滿如故所以然者脈遲故也○陽明病法多汗反無

成本註
汗其身如蟲行皮中狀者此以久虛故也○陽明病反

成本註
無汗而小便利二三日嘔而欬手足厥者必苦頭痛若

成本註
不欬不嘔手足不厥者頭不痛陽明○陽明病但頭

成本註
眩不惡寒故能食而欬其人咽必痛若不欬者咽不痛

陽明病無汗小便不利心中懊憹者身必發黃
陽明病被火額上微汗出而小便不利者必發黃
陽明病脈浮而緊者必潮熱發作有時但浮者必盜汗
出○陽明病口燥但欲漱水不欲嚥者此必衄○陽明
病本自汗出醫更重發汗病已差尚微煩不了了者此

成本註
必大便鞭故也以亡津液胃中乾燥故令大便鞭當問

其小便日幾行若本小便日三四行今日再行故知本
便不久出今為小便數少以津液當還入胃中故知不
久必大便也○傷寒嘔多雖有陽明證不可攻之

陽明病心下鞭滿者不可攻之攻之利遂不止者死利
止者愈○陽明病面合色赤不可攻之必發熱色黃者
小便不利也

陽明病不吐不下心煩者可與調胃承氣湯方一

甘草 二兩

芒消 半升

大黃 四兩酒洗

右三味切以水二升煮一物至一升去滓內芒消更
上微火一二沸溫頓服之以調胃氣

赤作赤
色黃下
無者

陽明病脈遲雖汗出不惡寒者其身必重短氣腹滿而喘有潮熱者此外欲解可攻裏也手足濇然汗出者此大便已鞅也。大承氣湯主之。若汗多微發熱惡寒者外未解也。桂枝湯其熱不潮未可與承氣湯若腹大滿不通者可與小承氣湯微和胃氣勿令至大泄下。大承氣湯方二

大黃四兩 厚朴半斤炙 枳實五枚 芒消三合

右四味以水一斗先煮二物取五升去滓內大黃更煮取二升去滓內芒消更上微火一兩沸分溫再服得下餘勿服

小承氣湯方

大黃四兩 厚朴二兩炙 枳實三枚大

右三味以水四升煮取一升二合去滓分溫二服初服湯當更衣不爾者盡飲之若更衣者勿服之

陽明病潮熱大便微鞅者可與大承氣湯不鞅者不可與之。若不大便六七日恐有燥屎欲知之法少與小承氣湯入腹中轉失氣者此有燥屎也。乃可攻之。若不轉失氣者此但初頭鞅後必澹不可攻之。攻之必脹滿不能食也。欲飲水者與水則噦其後發熱者必大便復鞅而少也。以小承氣湯和之不轉失氣者慎不可攻也。小承氣湯方三用前。○夫實則讞語虛則鄭聲鄭聲者重語也。直視讞語喘滿者死。下利者亦死。發汗多若

成本此有燥屎之下無也字
成本不與之作不與之
成本作鄭聲重語也

或作脾
氣作脾
生六氣

重發汗者。亡其陽。讖語脈短者死。脈自和者不死。
傷寒若吐若下後不解。不大便五六日。上至十餘日。日
晡所發潮熱。不惡寒。獨語如見鬼狀。若劇者。發則不識
人。循衣摸床。惕而不安。撮衣惕不安微喘。直視。脈弦者。
生瀆者死。微者但發熱。讖語者。大承氣湯主之。若一服
利。則止。後服四。用前第一方陽明病。其人多汗。以津液外
出。胃中燥。大便必鞕。鞕則讖語。小承氣湯主之。若一服
讖語止者。更莫復服。五。用前第二方陽明病。讖語發潮熱。
脈滑而疾者。小承氣湯主之。因與承氣湯一升。腹中轉
氣者。更服一升。若不轉氣者。勿更與之。明日又不大便。
脈反微瀆者。裏虛也。為難治。不可更與承氣湯也。六。用前

第一方 陽明病。讖語有潮熱。反不能食者。胃中必有燥屎五六枚也。若能食者。但鞕耳。宜大承氣湯下之。七。用前第二方
第二方 陽明病下血。讖語者。此為熱入血室。但頭汗出者。刺期門。隨其實而寫之。濺然汗出。則愈。汗作臥出。讖語者。以有燥屎在胃中。此為風也。須下者。過經乃可下之。下之若早。語言必亂。以表虛裏實故也。下之愈宜。大承氣湯。八。用前第二方。一。傷寒四五日。脈沈而帶滿。沈為在裏。而反發其汗。津液越出。大便為難。表虛裏實。久則讖語。三方 陽合病。腹滿身重。難以轉側。口不仁。面垢。又作枯。云。向。經。讖語遺尿。發汗則讖語。下之則額上生汗。手足逆冷。若自汗出者。白虎湯主之。方九。

知母 六兩

石膏 一斤

甘草 二兩

粳米 六合

右四味以水一斗煮米熟湯成去滓溫服一升日三服

二陽併病太陽證罷但發潮熱手足熱熱汗出大便難

而讞語者下之則愈宜大承氣湯十用前第陽明病

脈浮而緊咽燥口苦腹滿而喘發熱汗出不惡寒反惡

執身重若發汗則躁心憤憤切反讞語若加溫針必

怵惕煩躁不得眠若下之則胃中空虛客氣動膈心中

懊懣舌上胎者梔子豉湯主之方十一

肥梔子

十四枚

香豉

四合

右二味以水四升煮梔子取一升半去滓內豉更煮

取一升半去滓分二服溫進一服得快吐者止一服

若渴欲飲水口乾舌燥者白虎加人參湯主之方十二

知母 六兩

石膏 一斤

甘草 二兩

粳米 六合

人參 三兩

右五味以水一斗煮米熟湯成去滓溫服一升日三服

若脈浮發熱渴欲飲水小便不利者猪苓湯主之方十三

猪苓 去皮

茯苓

澤瀉

阿膠

滑石

碎各一兩

右五味以水四升先煮四味取二升去滓內阿膠烱

消溫服七合日三服

陽明病汗出多而渴者不可與猪苓湯以汗多胃中燥

猪苓湯復利其小便故也○脈浮而遲表執裏寒下利

清穀者四逆湯主之方十四

甘草二兩 乾薑一兩 附子一枚 破八片 生用去

右三味以水三升煮取一升二合去滓分溫二服強人可大附子一枚乾薑二兩

若胃中虛冷不能食者飲水則噦○脉浮發熱口乾鼻燥能食者則愈●陽明病下之其外有熱手足溫不結胃心中懊憹飢不能食但頭汗出者梔子豉湯主之下

成本與小柴胡湯作小柴胡湯

柴胡半斤 黃芩二兩 人參二兩 半夏半升 洗

甘草二兩 生薑三兩 切 大棗十二枚 擘

右七味以水一斗一升煮取六升去滓再煎取三升

溫服一升日三服

成本自悉黃

陽明病脅下鞭滿不大便而嘔舌上白胎者可與小柴胡湯上焦得通津液得下胃氣因和身濺然汗出而解十七方用上○陽明中風脉弦浮大而短氣腹都滿脅下及心痛久按之氣不通鼻乾不得汗嗜臥一身及目悉黃小便難有潮熱時時噦耳前後腫刺之小差外不解病過十日脉續浮者與小柴胡湯十八用上○脉但浮無餘證者與麻黃湯若不尿腹滿加噦者不治麻黃湯方十九

麻黃三兩 去節 桂枝二兩 去皮 甘草一兩 杏仁七十箇 去皮尖

右四味以水九升煮麻黃減二升去白沫內諸藥煮

成本友
字下有
者字

取二升半去滓温服八合覆取微似汗
陽明病自汗出若發汗小便自利者此為津液內竭雖
鞭不可攻之當須自欲大便宜蜜煎導而通之若土瓜
根及大猪膽汁皆可為導二十。

蜜煎方

食蜜 七合

右一味於銅器內微火煎當須凝如飴狀攪之勿令
焦著欲可丸併手捻作挺令頭銳大如指長二寸許
當熱時急作冷則鞭以內穀道中以手急抱欲大便
時乃去之疑非仲景意已試甚良○又大猪膽一枚
瀉汁和少許法醋以灌穀道內如口食頃當大便出
宿食惡物甚效。

陽明病脉遲汗出多微惡寒者表未解也可發汗宜桂
枝湯二十一。

桂枝 三兩
去皮

芍藥 三兩

生薑 三兩

甘草 二兩
炙

大棗 十二
枚擘

右五味以水七升煮取三升去滓温服一升須臾啜

熱稀粥一升以助藥力取汗。

陽明病脉浮無汗而喘者發汗則愈宜麻黃湯二十二
用前第
十九方
●陽明病發熱汗出者此為熱越不能發黃也
但頭汗出身無汗劑頸而還小便不利渴引水漿者此
為痰熱在裏身必發黃茵陳蒿湯主之方二十三

茵陳蒿 六兩

梔子 十四
枚擘

大黃 二兩
去皮

成本草
字下無
者

右三味以水一斗二升先煮茵陳減六升內二味煮
取三升去滓分三服小便當利尿如皂莢汁狀色正
赤下宿腹減黃從小便去也

陽明證其人喜忘者必有畜血所以然者本有久瘀血
故令喜忘屎雖鞭大便反易其色必黑者宜抵當湯下
之方二十四

水蛭 熬

蝱蟲 去翅足熬

大黃 酒洗

桃仁 二十箇去皮
尖及兩人者

右四味以水五升煮取三升去滓溫服一升不下更服
陽明病下之心中懊憹而煩胃中有燥屎者可攻腹微
滿初頭鞭後必澹不可攻之若有燥屎者宜大承氣湯

二十五 用前第 病人不大便五六日繞臍痛煩躁發
作有時者此有燥屎故使不大便也 病人煩熱汗出

則解又如瘧狀日晡所發熱者屬陽明也 脉實者宜下
之脉浮虛者宜發汗下之與大承氣湯發汗宜桂枝湯

二十六 大承氣湯用前第二十一方 大下後六七日不
大便煩不解腹滿痛者此有燥屎也所以然者本有宿
食故也宜大承氣湯 二十七 用前第 病人小便不利

大便下難下易時有微熱喘冒不能臥者有燥屎
也宜大承氣湯 二十八 用前第 食穀欲嘔屬陽明也
吳茱萸湯主之得湯反劇者屬上焦也吳茱萸湯方二

十九

成本草
字下無
者

吳茱萸洗 升人參 三兩 生薑切 六兩 大棗十二枚

右四味以水七升煮取二升去滓温服七合日三服

太陽病寸緩關浮尺弱其人發熱汗出復惡寒不嘔但

心下痞者此以醫下之也如其不下者病人不惡寒而

渴者此轉屬陽明也小便數者大便必鞅不更衣十日

無所苦也渴欲飲水少少與之但以法救之渴者宜五

苓散方三十。

猪苓去皮 白朮 茯苓各十 澤瀉一兩

桂枝半兩 去皮

右五味為散白飲和服方寸匕日三服

脈陽微而汗出少者為自和也汗出多者為太過

陽脈實因發其汗出多者亦為太過太過者為陽絕於裏亡津液大便因鞅也。脈浮而乾浮為陽乾為陰浮乾相搏胃氣生熱其陽則絕。●跌陽脈浮而濇浮則胃氣強濇則小便數浮濇相搏大便則鞅其脾為約麻子仁丸主之方三十一。

麻子仁 二升 芍藥 半斤 枳實 半斤 大黃 一斤

厚朴六尺 炙 杏仁一升 去皮尖

右六味蜜和丸如梧桐子大飲服十九日三服漸加

以知為度。

太陽病三日發汗不解蒸蒸發熱者屬胃也調胃承氣

湯主之三十二 用前第 傷寒吐後腹脹滿者與調胃

成本主 之作并

成本微
煩字

承氣湯三十三用前第一方 ● 太陽病若吐若下若發汗後微煩小使數大便因鞅者與小承氣湯和之愈三十四

用前第一方 得病二三日脈弱無太陽柴胡證煩躁心下

鞅至四五日雖能食以小承氣湯少少與微和之令小

安至六日與承氣湯一升若不大便六七日小便少者

雖不受食大便不但初頭鞅後必澹未定成鞅攻之必

澹須小便利屎定鞅乃可攻之宜大承氣湯三十五用前

第二方 ● 傷寒六七日目中不了了睛不和無表裏證太

便難身微執者此為實也急下之宜大承氣湯三十六

用前第一方 ● 陽明病發熱汗多者急下之宜大承氣湯三十七

用前第一方 ● 發汗不解腹滿痛者急下之宜

成本陽
明下無
病字

成本不
受食作
不能食

成本順
字上為
字

大承氣湯三十八用前第一方 ● 腹滿不減減不足言當下

之宜大承氣湯三十九用前第一方 ● 陽明少陽合病必下

利其脈不負者為順也負者失也互相剋賊名為負也

脈滑而數者有宿食也當下之宜大承氣湯四十用前第一方

病人無表裏證發熱七八日雖脈浮數者可下之假令

已下脈數不解合熱則消穀喜飢至六七日不大便者

有瘀血宜抵當湯四十一用前第二方 ● 若脈數不解而

下不止必協熱便膿血也 ● 傷寒發汗已身自為黃所

以然者以寒濕溫在裏不解故也以為不可下也於

寒濕中求之 ● 傷寒七八日身黃如橘子色小便不利

腹微滿者茵陳蒿湯主之四十二用前第二方

成
本
有
者
字

傷寒身黃發熱。梔子蘗皮湯主之。方四十三。

肥梔子十五兩 甘草一兩 黃蘗二兩

右三味以水四升煮取一升半去滓分溫再服。

傷寒瘀熱在裏身必黃。麻黃連軹赤小豆湯主之。方四

十四。

麻黃二兩 連軹二兩 杏仁四十箇 赤小豆一升

大棗十二枚 生梓白皮一升 生薑二兩 甘草二兩

右八味以潦水一斗先煮麻黃再沸去上沫內諸藥

煮取三升去滓分溫三服半日服盡。

辨少陽病脈證并治第九方一首并見

太陽病不解轉入少陽脅下鞭滿乾嘔不能食往來

成
本
有
上
無
為
字

寒熱尚未吐下脈沈緊者與小柴胡湯第一。七味

少陽之為病口苦咽乾目眩也。少陽中風兩耳無所

聞目赤脅中滿而煩者不可吐下吐下則悸而驚。

傷寒脈弦細頭痛發熱者屬少陽少陽不可發汗發汗

則讖語此屬胃胃不和煩而悸。

本太陽病不解轉入少陽者脅下鞭滿乾嘔不能食往

來寒熱尚未吐下脈沈緊者與小柴胡湯方一。

柴胡八兩 人參三兩 黃芩三兩 甘草三兩

半夏半升 生薑三兩 大棗十二枚

右七味以水一斗二升煮取六升去滓再煎取三升

溫服一升日三服。

傷寒論卷五
若已吐下發汗溫針讖語此胡湯證罷此為壞病知犯何逆以法治之

三陽合病脈浮大上關上但欲眠睡目合則汗

傷寒六七日無太熱其人躁煩者此為陽去入陰故也

傷寒三日三陽為盡三陰當受邪其人反能食而不嘔

此為三陰不受邪也

傷寒三日少陽脈小者欲已也

少陽病欲解時從寅至辰上

傷寒論卷五



